

NY LAMIN'NY FIANGONANA

 Eto, ahoana no hanodinanareo—hanodinanareo azy? Eny, ah-hah...?... [Elanelana tsy voaraki-peo—Mpand.] Vonona ny hamono azy ireto ianareo. Amin'izay fotoana izay, rehefa, hanetsika ny lohako mankany aminareo aho, tahaka an'izao. Hitanareo? Hitanareo? Oadray, manetsika ny lohako mankany aminareo. Ianareo...[Hoy ny olona iray hoe, "Rahoviana no tianao hanaovako an'ilay izy?" Hoy ny olona iray hoe, "Hoy izy hoe, 'Alefaso ilay izy."]

Ry rahalahy, niantso an'ity favoriana miaraka eto ity izahay izao hariva izao ho an'ny tanjona hahafantarana hoe ahoana no hampandehanana ny Fiangonan'Andriamanitra velona, fa, mino isika hoe ampanhan'ity Fiangonana ity.

² Tiako ny, ny zavatra voalohany, tiako ny hilaza fa tao amin'ireo diako nanodidina an'izao tontolo izao, hatramin'izao araka ny fantatro, dia ity no iray amin'ireo toerana arapanahy indrindra izay ahatsapanareo ny Fanahin'Andriamanitra mihoatra nohon'ny toerana hafa rehetra izay fantatro. Nanana toerana hafa roa aho tato an-tsaiko izay tokony ho izy, saingy hatramin'izao isika—toy ny hoe tsy mahita an'ireny toerana ireny isika; niditra tao anatin'ny rafi-pandaminana ny anankiray tamin'izy ireo, ary ilay iray hafa dia—dia karazan'ny lavo.

³ Noho izany dia nantsoina aho omaly ary dia—dia nilazana fa nila favoriana iray ianareo rehetra mba hametraka amiko an'ireto fanontaniana ireto mikasika ny andraikitrareo ato amin'ity fiangonana ity, ary izaho...izany no maha-eto ahy izao hariva izao, dia...ary ny—ny handamina ny fiangonana, na hanome anareo an'ireo zavatra izay heveriko fa—fa izany dia ampy hanao an'ity fiangonana ity hanohy hatrany.

⁴ Ry rahalahy, azoko antoka fa fantatrareo izany, raha nanao an'io fanamarihana io aho ny maha-toerana ara-panahy iray an'ity. Ilay izy tsy hoe ny toerana goavana indrindra eto amin'izao tontolo izao, ary ilay izy tsy hoe isika no manana ny fihirana be indrindra, ny fikiakiahana be indrindra, sy ny fihorakorahana be indrindra, na ny fitenenana amin'ny fiteny tsy fantatra be indrindra, sy ny sisa, tsy izany ilay izy, fa ilay izy dia ny hatsaran'ilay Fanahy izay miasa ato amin'ity tabernakla eto ity. Ary, hatramin'izao, dia te-hidera sy hisaotra an-dRahalahy Neville aho, ary—ary ianareo rahalahy eto, ireo mpitantan-draharaaha, sy ireo diakona, sy ireo mpiandraikitra ny sekoly Alahady, ary ny rehetra, ny amin'ny—ny amin'izay nataonareo tamin'ny fanampiana hihazonana an'ity tahaka an'izao. Efa fivavahako lava iray foana, ary faniriana iray hatramin'ny naha-zazalahy iray, ny hahita ny fiangonana

voapetraka ao anatin'ny lamina ary voatazona ao anatin'ny lamina.

⁵ Ankehitriny, rehefa nanokana ny fiangonana isika, dia niteny taminareo aho hoe, "Any aoriana kely dia hanana zavatra horesahana aminareo aho," hoe ahoana no hametrahana an'io zavatra io ao amin'ny lamina, ny fomba izay tokony handehanany. Ary efa nanomboka ianareo...taorian'ny nialako teto, efa nanana an'ireo mpitoriteny sy ny sisa isika. Fa ankehitriny, Rahalahy Neville izay tanora mihitsy eo anivontsika, dia tonga eto anivontsika, nihevitra aho fa tsaratsara kokoa ho an-dRahalahy Neville ny miorina tsaratsara kokoa ao amin'ny Finoana alohan'ny hanolorako an'ireo zavatra izay saika hataoko ankehitriny. Fa ankehitriny, taorian'ny nahitako fa miha-miorina tsara ao amin'ny Finoana izy, sy mahazo hoe inona ilay Foto-pampianarana, ary—ary nanao an'ilay anjaran'ny vavolombelona mahatoky an'i Kristy ka mihazona an'izay inoantsika ho ny Fahamarinana, dia heveriko fa izao no ora, ho fotoana tsara iray, hanatonana azy ao amin'ny...sy eo anivonareo loholona sy ny sisa eto amin'ny fiangonana, mba handraisanareo an'ireto lamina ireto sy hahatsiarovanareo azy ireo, izy ireo no tsara indrindra amin'ny fahalalako eo anatrehan'Andriamanitra. Ary miandry anareo aho amin'izay fotoana izay mba hanatanterahanareo an'ireo zavatra ireo amin'ny fomba izay hilazako azy, satria tokony hisy olona iray ho loha eto. Ianareo dia tsy maintsy....

⁶ Ankehitriny, tsy miezaka manampatra fahefana aho na zavatra tahaka an'izany, fa, hitanareo, raha ny olona iray na zavatra iray no miaraka amin'ny loha roa ao aminy, izany—izany dia tsy mahafantatra hoe ahoana no handehanana. Tsy nanana loha roa mihitsy Andriamanitra ho an'Ny Fiagonany, tsy nanana mihitsy Izy, loha iray izany. Nifanaraka tao amin'ny taranaka tsirairay foana Izy araka ny efa nianarantsika nanerana ny Soratra, isam-batan'olona iray foana no Ifanarahany. Satria raha manana olona roa ianareo, dia manana hevitra roa. Ary tsy maintsy tonga eo amin'ny fara-teny iray farany izany, ary ny fara-teniko dia ny Teny, ny Baiboly. Ary amin'ny maha-pasiteran'ny fiangonana eto, ny fara-teniko dia ny Teny, ary tiako...Fantatro ianareo, rahalahinay, somary mihevitra ahy ho fara-teninareo ianareo eo amin'izay...raha mbola manaraka an'Andriamanitra foana aho araka ny nolazain'i Paoly ao amin'ny Soratra hoe, "Manaraha ahy ianareo, tahaka ny anarahako an'i Kristy."

⁷ Ary noho izany dia miandry anareo rahalahy aho, amin'ny fotoana rehetra izay ahitanareo ahy manalavitra an'ity Soratra ity, mba hanatona ahy manokana ka hiteny amiko hoe aiza aho no diso. Tsy ahoako raha iray amin'ireo mpandrahahaha aza ianareo na ny...na ilay mpikarakara ianareo, na iza ianareo na iza, dia andraikitrareo amiko, amin'ny maha-mpirahalahy

ao amin'i Kristy, ny miteny amiko hoe oviana aho no diso aratsoratra. Raha misy fanontaniana iray, dia ndao isika hipetraka ka hamaha an'izany, miaraka.

⁸ Ary izany no antony nanatonanareo ahy, heveriko, izao hariva izao, nitondra ahy teto, dia satria misy an'ireo fanontaniana eto izay toy ny hoe manontany anareo ao amin'ny sainareo ny amin'ireo zavatra izay ananako—ananako eto. Ankehitriny tsarovy, ry rahalahy, tsy fantatro...tsy misy anarana voasonia eo amin'ny iray amin'ireto tapakila ireto, saingy...ary nosoratana izy ireo, ary izaho tsy afaka...tsy mahafantatra hoe iza no nanoratra azy ireo, fa izy ireo dia fanontaniana izay ao an-tsainareo, ary eto aho mba hamaly azy ireo amin'ny tsara indrindra amin'ny fahalalako.

⁹ Ary tsarovy, fa miandry ahy Andriamanitra mba hahita fa mijanona ao amin'ny Teny aho. Ary miandry anareo aho mba hahita fa mampihatra ny Teny ianareo, hitanareo, hitanareo, ato amin'ity fiangonana ity. Ary tehirizo ara-panahy izany, satria, tsarovy, ny hery rehetra an'ny—an'ny fanjakana maizin'i Satana dia hitodika hanohitra anareo raha manomboka mitombo ao amin'ny Tompo ianareo. Ary tsy maintsy ho miaramila ianareo, fa tsy zazavao fotsiny. Miaramila tranainy ianareo ankehitriny, ary efa voaofana amin'ny ady. Ary ho tonga eo anivonareo i Satana, hanao anareo hifamaly amin'ny anankiray hafa raha vitany. Roahy avy hatrany mihitsy izy; mpirahalahy ianareo; ary izy no fahavalo. Koa eto isika mba hihazona faneva iray ao amin'ity fotoan'ny Hazavan'ny hariva ity, izay, raha nohamainzina izao tontolo izao ka hiditra ao amin'ny Fiombonamben'ny Fiangonana ny fanjakam-piangonana manontolo. Ary tsy ho ela mihitsy dia hiezaka izy ireo ny hametaka takelaka iray eo amin'io varavarana eo io hoe, "Mikatona!" Ary amin'izay fotoana izay dia any amin'ny toerana hafa isika no tsy maintsy hivory, satria hanakatona tokoa an'ireo fiangonana ireo izy ireo indray andro any raha tsy mandray an'ilay mariky ny bibidia isika. Ary miankina amintsika ny hijanona ho marina amin'Andriamanitra mandrapahatongan'ny fahafatesana hanafaka antsika, ary izany no kasaintsika hatao.

¹⁰ Ankehitriny avy hatrany dia eo amin'ny... Ary hangataka aho, raha mba misy fotoana iray izay hanontaniana ny iray amin'ireto zavatra ireto, mba handefasana an'ity horonam-peo ity eo anatrehan'ireo mambran'ity fiangonana ity, hitanareo, amin'ireo favorianareo, na alohan'ny favoriana, mialohan'ny hanombohan'ny favoriana mihitsy. Avereno ity horonam-peo ity dia alefaso izy! Ary enga anie ny fiangonana eto hahazo fa ireto lehilahy ireto dia voafatotry ny andraikitra amin'Andriamanitra, araka ny fianianany amin'ity fiangonana ity, mba hanampy hihazona an'ireto fitsipika ireto. Mety tsy hifanaraka amin'izy ireo ianareo; fa raha mamela anareo hitondra an'ilay izy aho,

amin'izay fotoana izay dia izaho no tsy hifanarakaka aminareo. Tsy maintsy manana loharano iray isika any ho any izay tokony ho teny farany iray. Ary ny tsaraindrindra izay fantatro, dia homeko anareo eo ambanin'ny Fanahy Masina izany, mamela Azy ho ny Teny farany ho ahy. Ary aoka ity horonam-peo ity no ho teny farany ho anareo eo amin'ireto fanontaniana ireto.

Ankehitriny, ny iray voalohany dia:

220. Ahoana no hataon'ny fiangonana manoloana an'ireo antso ho an'ny fanampiana ara-bola an'ny...ho an'ny sakafo sy fitafiana? Inona—fihetsika inona, inona—inona no tokony hataon'ny fiangonana?

¹¹ Fantatsika ankehitriny fa ny fiangonana dia tompon'andraikitra ho an'ny azy manokana, ho an'ireo mambrantsika eto amin'ny fiangonana, tompon'andraikitra tanteraka isika arak'izay ananantsika fahafaha-manao hikarakarana azy ireny. Tompon'andraikitra ho an'ny antsika manokana isika, izany hoe, ireo mambra mafy orina, maharitra an'ny tabernakla izay tonga eto ary mivavaka miaraka amintsika. Voafatotry ny andraikitra amin'izy ireny isika, amin'ny maha-rahalahintsika sy anabavintsika izay nanaporofa mambrantsika ao amin'ity fikambanana ity.

¹² Ankehitriny, fantatsika fa misy an-tapitrисany izao hariwa izao no tsy manana sakafo, tsy manana fitafiana, ary ho tiantsika ny ho afaka hanampy ny vondrona manontolon'izy ireny, hanao ny zavatra rehetra izay vitantsika; saingy ara-bola dia tsy afaka manao an'izany isika, tsy afaka manohana an'izao tontolo rehetra izao isika. Fa voafatotry ny andraikitra ho an'ny antsika manokana isika. Ary heveriko, ao amin'izany, ary avy eo raha manana zavatra tavela isika ka tianareo ny hanampy an'ireo olona izay tsy mambra eto amin'ity fiangonana ity, zavatra izay tianareo homena azy ireny, dia tokony eo amin'ny komitin'ny diakona no handaminana an'izany.

¹³ Ny diakona no tokana izay—izay tokony handamina an'io fifanoherana io, na io olana io, raha ny marina; satria ao amin'ny Baiboly rehefa tonga ny fifandirana mikasika ny sakafo sy ny fitafiana, sy ny sisa, ao amin'ny Bokin'ny Asa, dia nantsoin'izy ireo ny apostoly mikasika an'izany, ka hoy izy ireo hoe, "Ianareo ihany no aoka hitady lehilahy fito tsara laza, sy feno ny Fanahy Masina mba ahafahan'izy ireo hiatrika an'ireo zavatra ireo. Satria hanolotra ny tenanay hatrany ho an'ny Tenin'Andriamanitra sy ao amin'ny vavaka izahay."

¹⁴ Ary tsy andraikitry ny pasitera ny mikarakara ny...ho an'ny sakafo sy ny sisa. Natao ho amin'ny alàlan'ireo diakona izany. Tsy ireo mpandrahahaha ilay izy, asan'ny diakona no manao an'izany. Ary avy eo izany dia tokony ho...Tsarovy fa ao amin'ny Baiboly, nanampy ho an'ny azy manokana izy ireo, ireo Grika sy ny—sy ny Jiosy, rehefa niseho ny adi-hevitra ka

ny anankiray nahazo mihoatra kely noho ilay hafa, fa ilay izy dia ireo olona izay nivarotra ny fananany rehetra ka nanome an'izany ho an'ny fiangonana ho fanohanana azy, ary avy eo dia ho—ho zaraina mitovy eo anivon'izy ireo. Ary tonga ny fifandirana kely, ka teo no nahazoantsika an'ireo diakonantsika voalohany. Ary izany no iray amin'ireo andraikitr'izy ireo, dia ny manao an'izany.

¹⁵ Heveriko fa, satria antsika manokana, satria olontsika manokana, dia tokony hikarakara azy ireo isika. Ary ilay izy dia tokony haverina, ny fitarainana rehetra, any amin'ny filohan'ny komitit'ny diakona, ary eo amin'ny komitit'ny diakona avy eo no tokony handaminana azy sy hahita raha afaka hanao ny mikasika an'izany izy ireo. Ary ireo zavatra rehetra ireo izay fitafiana, sy sakafio, ary fanampiana ara-bola, na inona na inona ilay izy, dia tokony handalo eo amin'ireo diakona. Amin'izay fotoana izay ireo diakona, rehefa manapa-kevitra izy ireo fa izy ireo dia—fa izy ireo dia... an'izay hataon'izy ireo mikasika an'izany, avy eo ilay izy dia tokony hatolotra amin'izay fotoana izay an'ny—ny mpitahiry vola, mba hahitana raha afaka handoa an'io habetsaham-bola iray io ilay mpitahiry vola amin'io fotoana io, na—na hividy an'ireo fitafiana, na inona na inona mikasika an'izany. Fa ny—ny komitit'ny diakona no tokony hivory mikasika an'izany, fa tsy mandeha mankany amin'ny mpitantan-draharaha na ny pasitera. Zavatry ny diakona izany, ny rehetra.

Ankehitriny, noho izany, ny fanontaniana nomerao roa.

221. Ampy ve ny filazana ankarihary avy eo amin'ny polipitra fa ny teny amin'ny fiteny tsy fantatra sy ny fandikana dia tokony hataeo ao amin'ny favoriana iray alohan'ny fotoana?

Izany no fanontaniana faharoa eto amin'ity singan-taratasy izay ananako eto ity, izay karatra kely iray.

¹⁶ Ankehitriny, ity dia mikasika ny pasitera eo, hitanareo. Satria izy—izy, na izany aza, eo amin'ny ampahany ara-panahy, dia izy no lohan'izany. Ny diakona no polisy ao amin'ny fiangonana, hihazona ny filaminana sy hikarakara an'ireo zavatra ireo, ary mamahana ny mahantra, sy ny sisa. Ireo mpitantan-draharaha dia eo amin'ny ara-bola sy ny tranobe; izany no tokony hiandraiketan'izy ireo. Fa ny pasitera dia eo amin'ny—ny fanaraha-maso ny ampahany ara-panahy, ary handeha hankany aminaо ity, Rahalahy Neville.

¹⁷ Ankehitriny, nisy...fotoana vitsy lasa izay rehefa tafapetraka ilay lamina, an'ny fiangonana. Tena mino ny fitenenana amin'ny fiteny tsy fantatra aho, sy ny fandikana, ary ireo fanomezam-panahy tsara rehetra izay nodidian'Andriamanitra mba hisy ao amin'ny fiangonana. Fa isika dia miaina ao amin'ny andro iray izay tahaka ny naha-izy azy tamin'ny andron'ny Baiboly mihitsy, izay nisy

an'ireo fiangonana... Ankehitriny, raha mahamarika an'i Paoly ianareo, izy no nanorina ny fiangonana tao Efesosy, ny fiangonana Efesiana, izay fiangonana tsara orina. Efa voamarikareo ve? Mino isika fa i Paoly, ary izy tenany mihitsy no nilaza an'izany, fa efa niteny tamin'ny fiteny maro izy, ary fantatsika fa nanana ny fanomezam-pahasoavan'ny teny amin'ny fiteny tsy fantatra izy. Tsy ireo izay efa nianarany, fa ireo izay nomena azy ara-panahy, araka ny iresahany an'izany ao amin'ny Korintiana ao. Fa mba hananana fotoana, dia tsy hamadika ao amin'ny Baiboly mihitsy aho ka hamaky an'ilay izy ho anareo, satria izany dia hanao ny-ny fijanonantsika eto ela loatra izao hariva izao, satria tsy manana fotoana be loatra aho. Ary ankehitriny... fa mba ahafahanareo hahita ankarihary.

¹⁸ Ankehitriny, tsy nila niresaka tamin'ilay fiangonana Efesiana na tamin'ilay fiangonana Romana mihitsy i Paoly na indray mandeha aza, na ny iray tamin'ireo fiangonana hafa ireo, mikasika an'ireo fanomezam-panahin'izy ireo, mikasika ny hoe ahoana no hametrahana azy ireo ao amin'ny lamina. Fa tsy maintsy niresaka tamin'ireo Korintiana hatrany izy mikasika an'izany, satria niady hevitra an'izany foana izy ireo. Ary nilaza i Paoly, rehefa tonga teo anivon'izy ireo izy, hoe raha hitan'izy ireo fa ny anankiray nanana teny amin'ny fiteny tsy fantatra ary ny anankiray nanana salamo, dia nisaotra ny Tompo izy noho ireo fanomezam-pahasoavany tsara rehetra sy ny sisa tahaka an'izany. Ary raha hahamarika ianareo ao amin'ny toko voalohany na ny faharoa an'ny Korintiana, dia niteny tamin'izy ireo i Paoly, ara-toerana, hoe tao amin'i Kristy izy ireo, ahoana fa izy... ara-toerana dia tao amin'i Kristy izy ireo.

¹⁹ Avy eo taorian'ny nitenenany azy ireo, avy eo tahaka ny ray iray dia nanomboka namela an'ilay karavasy hilatsaka teo amin'izy ireo izy, ka nanao hoe, "Henoko fa misy fifandirana eo anivonareo, ary henoko fa mamo ianareo eo amin'ny latabatry ny Tompo." Tsy nanao azy ireo ho tsy kristiana izy; ary aza manao an'izany ianareo rahalahy, tsy manao azy ireo ho tsy kristiana, fa ilay izy dia ny fomba izay nitondran'izy ireo ny tenany tao amin'ny tranon'Andriamanitra. Eo no misy an'ilay izy.

²⁰ Ankehitriny, hilaza an'izao aho, hoe araka ny nolazain'i Paoly fahiny, hoe, "Rehefa tonga miaraka ianareo, raha miteny ny anankiray, dia aoka ny anankiray hafa handika. Raha tsy misy mpandika, amin'izay fotoana izay dia hazony ny filaminanareo. Fa raha misy mpandika iray..."

²¹ Ankehitriny, efa nandinika ny fiangonana eto aho, ka nahita anareo nitombo, ary nahita fanomezam-panahy maro niasa teo anivonareo. Am-pahatsorana, dia nisy anankiray izay tsy maintsy nanatonako an-dRahalahy Neville niaraka tamin'ny Teny iray avy tamin'ny Tompo, mba hanitsy azy teo amin'ny zavatra iray izay nataony.

²² Ary raha izaho...raha ny Tompo no...Ny Fanahy Masina no nanao ahy ho mpanara-maso iray an'ilay Andian'ondry, noho izany dia andraikitro ny miteny ny Fahamarinana aminareo. Ary tena mankasitraka an-dRahalahy Neville aho, nitandrina tsara ny Fahamarinana izy. Afaka milaza Azy fotsiny arak'izay Teneniny amiko aho.

²³ Ankehitriny, eo amin'ity, satria voamariko fa mitombo ny fiangonanareo, ary voamariko izany. Fa tato amin'ny fiangonana, dia ity no fomba nanaovantsika azy voalohany, ary izany no fomba izay—izay ilaintsika azy indray.

²⁴ Ankehitriny, raha tsy mitandrina ianareo, rehefa ireo zazakely... Ny zavatra voalohany ataon'ny zazakely iray dia ny manandrana miresaka nefo tsy mahay miresaka izy. Hitanareo? Manao boiboika betsaka izy, ary tabataba, sy—sy ny sisa, fa mihevitra izy fa izy fotsiny dia...afaka miresaka mihoatra nohon'ny mpitoky teny izy amin'io fotoana io. Eny, mahita an'izany isika tsy ao amin'ny fiainana ara-nofo fotsiny ihany, fa mahita an'izany isika ao amin'ny fiainana ara-panahy ihany koa. Izany dia anankiray *kely*. Ary raha miezaka manitsy an'io zazakely io ianareo ka mikapoka kely azy satria izy dia "mingonongonona" sy manandrana miresaka, dia hanimba an'ilay zaza ianareo. Hitanareo, ary handratra azy ianareo. Fa ny tsara indrindra dia ny mamela an'io zazakely io hitombo kely fotsiny mandra-pahatonga azy ho afaka hiteny tokoa ny teniny marina, ary amin'izay fotoana izay dia teneno izy hoe *rehefa*. "Tsye rehefa miresaka i papa na rehefa miresaka i mama." Fa rehefa amin'ny fotoana mety, dia avelao izy hanana ny firesany. Azonareo ve aho? Ankehitriny, avelao izy hiresaka rehefa tonga ny fotoana hiresahany.

²⁵ Ankehitriny, raha mba nandre zavatra iray izay efa tsilo iray teo amin'nynofoko aho, tao amin'ny favoriana, dia olona iray izay mitsangana rehefa eo am-piresahana aho ary avy eo dia manome hafatra iray amin'ny fiteny tsy fantatra ka manapaka an'ilay Fanahy. Vao avy tany amin'ny favoriana iray tany New York aho sy toerana samihafa izay nisy an'ireo mpitoriteny namela an'izany hitohy, isaky ny fotoana, nefo tsy misy afa-tsy—afa-tsy fifanjevoana iray. Hitanareo, rehefa miasa eo amin'ny fitsipi-pisainana iray Andriamanitra, Izy...izany dia ho—izany dia ho...Izy dia hanohitra ny Tanjony Manokana, raha miezaka ny hitondra fitsipi-pisainana iray eo aminareo Izy, eo amin'ny fiangonana, hanao antso iray eny amin'ny alitara nefo misy zavatra iray hikatro-doha an'izany.

²⁶ Ohatra, tahaka an'izao. Mipetraka eo amin'ny latabatra isika, miresaka, ary miresaka ny amin'ny Tompo. Dia mihazakazaka mankeo amin'ny latabatra i junior, haingana mihitsy, misintonia ny fifantohana rehetra hiala lavitra amin'izay ataontsika, ary dia, mihorakoraka, mihiakiaka hoe, "Dada! Mama! Oadray! Oadray! Vao avy nahatafiditra isa iray

aho tao amin'ny ekipa! Ary izahay dia nanao an'ity, *itsy*, ary ny *hafa!*" Ary nefä isika dia eo afovoan'ny lohahevitra iray tena masina mihitsy. Ankehitriny, izy nahatafaditra isa iray, mety tsara izany; tao amin'ny lalao baseball, mety tsara izany. Saingy any ivelan'ny lamina izy rehefa manapaka an'ilay hafatra izay resahantsika. Aoka izy hiandry mandra-pahatongan'ny fotoany ary amin'izay fotoana izay vao hiteny amintsika izay nataony tany amin'ilay lalao baseball.

²⁷ Ankehitriny, zavatra tahaka an'izany mihitsy no hitantsika ny amin'ireo fanomezam-pahasoavana amin'izao andro izao. Izany no antony tsy ahafahan'Andriamanitra matoky fanomezam-panahy be loatra amin'ny olona, tsy hain'izy ireo hoe ahoana no ifehezana azy ireny. Izany ilay olana amin'izao andro izao, ny antony tsy ananantsika intsony mihoatra noho izay ananantsika.

²⁸ Ary tena mahita isika fa betsaka ny fakan-tahaka an'ireo fanomezam-panahy. Saingy tsy mino aho hoe tahaka an'*izany* ny ato amin'ny fiangonantsika. Mankasitraka aho ny amin'izany. Tsy mino mihitsy aho fa fakan-tahaka iray ilay izy. Izaho dia mino fa manana an'ireo fanomezam-pahasoavana tena izy isika, saingy tsy maintsy fantatsika hoe ahoana no ifehezana an'ireo fanomezam-pahasoavana ireo.

²⁹ Ary noho izany rehefa mandeha manao zavatra tsara iray ianareo... Tahaka anareo niasa ho an'ny mpampiasa iray fotsiny ary nanomboka ny asanareo voalohany ianareo ka manaiky ny handray an'ireo baiko, amin'izay fotoana izay dia manana fahatokiana anareo ilay mpampiassa ka hanohy hampiakatra anareo eo amin'ny asa ambony kokoa foana.

³⁰ Ankehitriny, mino aho fa tonga amin'ny Branham Tabernacle ny fotoana, mba hahafantarana hoe inona... handraisana an'ireo fanomezam-pahasoavana izay omen'Andriamanitra antsika, mba ahafahan'Andriamanitra matoky antsika amin'ny zavatra lehibe kokoa noho izay ananantsika aza. Saingy tsy afaka manohy isika...fa mahita olona ianareo izay tsy maintsy tenenina aminy foana sy ny zavatra rehetra. Ary tsarovy, "Ny fanahin'ireo mpaminany dia manaiky ny mpaminany," hoy ny Soratra. Rehefa mahita lehilahy iray izay tsy maintsy ahitsinareo ianareo, na vehivavy iray, ka mivoaka amin'ny lamina io olona io, ary avy eo dia miteny aminy ny Fahamarinana ara-tSoratra ianareo, amin'izay fotoana izay dia izany no maneho fa tsy avy amin'Andriamanitra ilay fanahy izay eo amin'izy ireo. Satria hoy ny Baiboly hoe, "Ny fanahin'ireo mpaminany," na, "maminany," izany hoe, mijoro vavolombelona, mitory teny, miteny amin'ny fiteny tsy fantatra, na inona na inona ilay izy, satria ireo teny amin'ny fiteny tsy fantatra voadika dia faminaniana. Noho izany dia manaiky ny mpaminany izany, ary ny Teny no mpaminany. Noho izany isika—isika dia mahita fa ivelan'ny lamina ho an'ny lehilahy

iray na vehivavy iray ny mitsangana ka manome hafatra iray, tsy mampaninona na impiry no itiavan'izy ireo hanao an'izany, raha mbola eo amin'ny polipitra ny mpitory teny.

³¹ Ankehitriny manolo-kevitra an'izao ho an'ny Branham Tabernacle aho, hoe satria ireo—ireo fanomezam-pahasoavantsika izay hitantsika... Ary isika dia manana olona sasantsasany manana fanomezam-pahasoavana tena tsara eto. Ankehitriny, ny tsirairay avy amin'ireo fanomezam-pahasoavana ireo dia asam-panompoan'izy ireo manokana. Fanomezam-pahasoavana izy ireo, tahaka ny hoe ny mitory teny dia fanomezam-pahasoavana iray fotsiny, tahaka ny hoe ny fanasitranana dia fanomezam-pahasoavana iray, tahaka ny hoe ireo zavatra hafa dia fanomezam-pahasoavana, fanomezam-pahasoavana izy ireo, asam-panompoan'izy ireo manokana ireo. Ary nodidiana mba hiandry ny asam-panompoany manokana ny olona tsirairay.

³² Noho izany dia aoka ny Branham Tabernacle hiasa tahaka an'izany, ary amin'ilay andro, indrindra amin'izao andro izao izay nananantsika betsaka tokoa (tsy te-hilaza an'ity aho, saingy), mody-finoana betsaka tokoa. Tsy mila mody-finoana isika. Tsy misy olona, tsy misy olona mahitsy fo te-hanana mody-finoana iray. Isika... Raha isika no tsy... tsy afaka manana an'ilay marina, dia ndao isika tsy hanana na inona na inona mihitsy, ndao isika hiandry mandra-pahazoantsika an'ilay marina. Ankehitriny, mino aho fa ianareo—ianareo lehilahy dia hifanaraka amin'izany. Tsy mila na inona na inona mody-finoana isika. Ry rahalahy, tsy afaka manomboka eo amin'ny zavatra iray mody-finoana isika ka hiala eto amin'ity izao tontolo izao ity. Tsy maintsy manana an'izay marina isika, sy izay tena izy. Raha tsy manana an'izany isika, dia ndao isika hiandry mandra-pahazoantsika azy, ary avy eo vao miresaka zavatra mikasika azy. Hitanaxeo?

³³ Ankehitriny, hilaza aho hoe, aoka ny lehilahy sy vehivavy rehetra izay miteny amin'ny fiteny tsy fantatra, sy maminany, ary manome hafatra... Ary izaho dia—mino miaraka aminareo lehilahy aho fa izy ireo dia tena izy. Ankehitriny, hoy ny Baiboly hoe, “Porofoy ny zavatra rehetra; ka tano mafy izay tsara.” “Fa amin’ny molotra miambakambaka sy fiteny hafa no Hitenenako amin'ity vahoaka ity, izao no fitsaharana izay Nolazaiko fa tokony hidiran’izy ireo,” ao amin’ny Bokin’ny Isaia.

³⁴ Ankehitriny, hanolo-kevitra an'izao aho mba ho fanomezam-pahasoavana iray isaky ny mandeha no hiasa amin'ilay toerana masina, satria izany no mamerina antsika avy hatrany indray ao amin'ny lamina izay ezahako ho lazaina hoe: raha miteny ny anankiray, dia aoka ny fanahin'ireo mpaminany hanaiky ny mpaminany. Azonareo ve? Ankehitriny, aoka ireo izay manana asam-panompoana iray ho an'ny Vatan'i Kristy... Ary ankehitriny satria efa voalaza izany, dia aoka ho tanteraka

ankehirtriny. Aoka ireo izay manana asam-panompoana iray ho an'ny Vatan'i Kristy hiandry ny asam-panompoan'izy ireo, satria asam-panompoana iray avy amin'i Kristy ho an'ny fiangonana izany. Fa tsy afaka miasa amin'izy rehetra amin'ny fotoana iray ianareo, tsy maintsy ho anankiray isaky ny mandeha izany.

³⁵ Ho tahaka an'izao ny Branham Tabernacle. Aoka ireo izay miteny amin'ny fiteny tsy fantatra, sy ireo izay mandika ny fiteny tsy fantatra, ary ireo izay manana faminaniana izay homena ny fiangonana, aoka izy ireo ho tonga aloha hamory ny tenany amin'ny... alohan'ny anombohan'ny fotoana, aoka izy ireo hiangona ao amin'ny efitra iray voatondro, ka hiandry ny asam-panompoan'ny Tompo.

³⁶ Tahaka ny tsy maintsy anaovan'ny pasitera ny tenany alohan'ny hidirany eo amin'ny mpanatrika; tsy maintsy maka ny Baiboly izy, mianatra ao anatin'ny fahanginan'ny efitranony, ao amin'ny Fanahy, ary voahosotra mba ho tonga hiresaka eo anatrehan'ny mpanatrika. Raha tsy izany izy, dia hifanjevo rehefa tonga eo. (Aoka ny lehilahy tsirairay sy ny vehivavy tsirairay, miaraka amin'ny fanomezam-panahy iray, ho tonga eo anatrehan'ny Tompo.) Ary satria manana asam-panompoana tokana ny pasitera, mpaminany iray izy; ny teny Anglisy hoe, *mpitory teny iray*, dia midika hoe “mpaminany iray,” izany hoe mpamoaka ny Teny.

³⁷ Aoka ireo izay manana asam-panompoana izay tsy maintsy ampanhan'ny olona iray hafa, tahaka ny anankiray miteny amin'ny fiteny tsy fantatra ary ny iray hafa mandika, hiandry ny asam-panompoany *miaraka* izy ireo. Tsy afaka mijanona ao amin'ny birao manokana iray izy ireo ka miteny amin'ny fiteny tsy fantatra nefá avy eo dia tonga miteny an'izay nolazainy amin'ilay iray hafa, satria nanana ny fiteny tsy fantatra sy ny fandikana izy. Hitanareo? Ankehitriny, raha manana an'izany izy, tena tsara, tiantsika ny handray azy tahaka an'izany. Ary tiantsika ny fiangonana hahazo tombony avy amin'ireo fanomezam-pahasooavana izay ao amin'ny fiangonantsika. Andriamanitra no nandefa azy ireny ho antsika, ary izany dia... tiantsika ny fiangonantsika hahazo tombony avy amin'ireo fanomezam-panahy ireo. Noho izany dia aoka ilay olona izay miteny amin'ny fiteny tsy fantatra, sy ilay anankiray izay mandika, ary ilay anankiray izay maminany, aoka izy ireo ho tonga miaraka alohan'ny—hivorian'ny fiangonana mihitsy. Aoka izy ireo hampihaona ny tenany ao amin'ny efitra iray, miandry ny asam-panompoan'ny Tompo ho an'ny fiangonana. Azo ve ilay izy?

³⁸ Ary amin'izay fotoana izay, tahaka an'izany, raha Rahalahy Neville, no milaza, eny, ankehitriny avelao aho, mamelà ahy, avelao aho hilaza an'izao: Raha miteny amin'ny fiteny tsy fantatra Rahalahy Collins ka Rahalahy Hickerson no manome ny fandikana, amin'izay fotoana izay izy ireo dia manana asam-

panompoana iray *miaraka* ho an'ny fiangonana. Ankehitriny, tsy asam-panompoan-dRahalahy Neville izany; izany dia asam-panompoanareo ho an'ny fiangonana. Manome an'izany ho ohatra aho. Noho izany ianareo rahalahy dia tokony ho liana mihitsy amin'ny fametrahana ny asam-panompoanareo eo amin'ny toerany ao amin'ny tranon'Andriamanitra tahaka ny maha-liana an'ilay pasitera amin'ny fametrahana ny azy, satria tena zava-dehibe mihitsy ho anareo ny manao an'izany. Fa tsy afaka manao an'izany mitokana ao amin'ny efitrareo manokana ianareo, raha *ianao* no miteny ka *ianao* no mandika, dia tsy maintsy tonga miaraka ianareo. Ankehitriny, tongava miaraka ao am-piangonana, ao amin'ny efitra iray ho an'ny tenanareo, satria manana asam-panompoana iray manokana ianareo. Tsy asam-panompoana iray ankarihary izany, izany no anankiray izay tokony hanampy ny fiangonana. Hitanareo? Zavatra iray hanampy ny fiangonana izany, fa tsy tokony hataon'ny ankapoben'ny fiangonana, amin'ny fomba izay ho teneniko aminareo fotsiny ihany no tokony hanaovana an'izany. Hitanareo? Noho izany, na inona na inona tenenin-dRahalahy Collins, ka manome ny dikany Rahalahy Hickerson, ohatra, amin'izay fotoana izay dia aoka Rahalahy *Ranona* hanoratra an'izany, hoe inona ilay izy. Ary amin'izay fotoana izay raha fihaviana ilay izy . . .

³⁹ Ankehitriny, mahafantatra isika rehetra fa ho avy ny Tompo, mahalala tsara an'izany isika. Ary raha nitsangana isan-kariva Rahalahy Neville ka nanao hoe, “Indro, ho avy ny Tompo! Indro, ho avy ny Tompo!” ho mety tsara izany, hitanareo. Saingy milaza an'izany izy (ilay pasitera) eo amin'ny lampihazo, satria manana ny Teny ho an'izany izy. Ary raha pasitera izy, mpaminany ho an'ny fiangonana . . . na pasitera iray, raha ny marina, dia tokony hianatra ny Tenin'ny Tompo izy ary miteny aminareo an'izay voasoratra ao amin'ny Tenin'ny Tompo mikasika ny fihavian'ny Tompo, ary nampitandremana tamin'ny alàlan'izany ianareo. Asam-panompoana hafa iray (ho an'ny fiangonana) izay tsy misy ifandraisany mihitsy amin'izany, dia ny teny amin'ny fiteny tsy fantatra, ny fandikana ny teny amin'ny fiteny tsy fantatra (izay faminaniana), na mpaminany iray miteny, izany dia zavatra iray izay tsy voasoratra ao amin'ny Teny. Izay voasoratra ao amin'ny Teny, dia *izy no* tsy maintsy mitondra an'izany; fa izay tsy voasoratra ao amin'ny Teny, dia *ianareo no* hiteny an'izany aminy. Toy ny hoe, ohatra, “Teneno Rahalahy Wheeler, HOY NY TOMPO HOE, ‘Rahampitso, any amin'ny fangadiany fasika, azo mandeha mankany, satria hisy kamio iray hivadika any,’” na zavatra tahaka an'izany, ary izany no tokony hatao. Ary ianareo no niteny an'ilay izy fa izy no nandika azy, ary avy eo dia apetraho eo amin'ny lampihazo izany rehefa mifarana ny asam-panompoanareo, amin'izay fotoana izay, amin'ny hariva, rehefa manomboka mihira ny fiangonana (ny hira fiderana) sy ny sisa; raha mifarana ny asam-panompoanareo amin'izay fotoana

izay, dia aoka handroso izy ireo miaraka amin'izay nomen'ny faminaniana.

⁴⁰ Ary tsy mihevitra aho fa isika dia manana...Na raha manana ianareo, dia ampidiro ao ity. Rehefa mihaona miaraka ireo olona ireo, dia aoka ireo izay manana fahendrena no ho tonga aloha. Satria, hitanareo, raha miteny amin'ny fiteny tsy fantatra ny anankiray ka manome dikany iray araka ny Soratra, dia tsy azo raisina izany raha tsy efa voamarin'ny olona roa na telo, vavolobelona roa na telo amboniny, hitanareo, no tsy maintsy manamarina an'izany, hoe mino an'izany ho avy amin'ny Tenin'ny Tompo izy ireo. Satria...Ary matetika ao amin'ireo asam-panompoana madinika ireo, tahaka ny asam-panompoana hafa rehetra fotsiny, dia mahita an'ireo fanahy izay tsy izy ianareo; hitanareo, hitsofoka ao izy ireo. Ary tsy mila an'izany isika. Tsia. Mila an'ireo asam-panompoana ireo ho vonona ny hampiharihariana isika raha tsy maintsy hampiharihariana izy ireo, satria ny zavatra rehetra avy amin'Andriamanitra dia mety...tsy manahy mikasika ny hampiharihariana an'izany ianareo, no tiako ho lazaina, izany dia—hahatanty ny fitsapana izany, raha avy amin'Andriamanitra.

⁴¹ Tahaka ny pasitera fotsiny, raha mihaika azy eo amin'ny Teny ny olona iray, dia tsy tokony hihemotra ny amin'izany izy, fantany marina tokoa izay resahany hoe, “Miakara eto.” Hitanareo? Ary mitovy amin'izany ny amin'ireo asam-panompoana hafa, tsy maintsy tahaka an'izany.

⁴² Ankehitriny, raha—raha miteny amin'ny fiteny tsy fantatra ny anankiray ka manome hafatra iray...Ankehitriny, ny olona sasany dia miteny amin'ny fiteny tsy fantatra nefo izy ireo dia “mampandroso ny tenany,” fotsiny hoy ny Baiboly, manana fotoana tsara iray fotsiny izy ireo. Miteny amin'ny fiteny tsy fantatra izy ireo, mahatsapa izy ireo. Ary *tena* miteny amin'ny fiteny tsy fantatra izy ireo, miteny amin'ny fiteny tsy fantatra tokoa izy ireo, ary ny Fanahy no manao an'izany. Fa raha mipetraka eo amin'ny mpanatrika izany, miteny amin'ny fiteny tsy fantatra, mampandroso ny tenany fotsiny, amin'izay fotoana izay dia tsy zavatra misy tombony ho an'ilay fiangonana izany; mampandroso ny tenany ilay lehilahy, na ilay vehivavy, na iza na iza no manao an'ilay izy. Hitanareo?

⁴³ Ny miteny amin'ny fiteny tsy fantatra dia fanomezampahasoavana iray avy amin'Andriamanitra ho an'ny fampandrosoana, araka ny lazain'i Paoly ao amin'ny Soratra, izany dia mba hampandrosoana ny fiangonana. Noho izany dia tsy maintsy ho hafatra iray mivantana avy amin'Andriamanitra ho an'ny fiangonana ilay izy, ivelan'izay efa voasoratra ao anatin'ny Baiboly. Hitanareo? Izany dia zavatra izay...

⁴⁴ Raha afaka hanontany ahy ianareo hoe, “Rahalahy Branham, ahoana no tokony hanaovana batisa ahy?” Afaka

miteny aminareo avy hatrany aho. Tsy mila miteny amin'ny fiteny tsy fantatra ianareo ka hiteny amiko an'ilay izy, efa voasoratra ato amin'ny Baiboly mihitsy izay hatao mikasika an'izany. Hitanareo? Izaho tsy mila ny...tsy mila mametraka fanontaniana ny amin'izany ianareo ka haka olona iray hiteny amin'ny fiteny tsy fantatra ary hiteny aminareo. Hitanareo, efa voasoratra izany.

⁴⁵ Fa raha hoy ianareo hoe, "Rahalahy Branham, inona no tokony hataoko? Manana fanapahan-kevitra iray aho eto izay tsy maintsy ho raisiko na tokony haka an'ity fiangonana ity aho na handeha ho any amin'ny fiangonana hafa iray," na zavatra tahaka an'izany. "Sa izaho hanao an'ity, itsy?" Ankehitriny, tsy maintsy avy amin'Andriamanitra izany. Hitanareo, Andriamanitra no tsy maintsy hiteny an'izany amintsika. Fa tsy maintsy avy amin'ny alàlan'ny asampanomoana iray izany, satria ny Teny tsy manao hoe "Aoka hiala amin'ny Branham Tabernacle i Orman Neville ka handeha ho any amin'ny Fort Wayne Gospel Tabernacle." Hitanareo, tsy milaza an'izany ilay izy ato amin'ny Teny, hitanareo, noho izany dia ho an'izany ireo fanomezam-pahasoavana ireo.

⁴⁶ Ohatra hoe miakatra eto ny olona iray ka manao hoe, "Mino ny fanasitranana avy amin'Andriamanitra ve ianareo?" Mitory an'izany isika, mino an'izany isika, mino ny hosotra isika, ny diloilo.

⁴⁷ Nefa indro ny olona iray milaza fa izy "Dia tsy mety tafavoaka, inona ny olana?" Amin'izay fotoana izay dia mila an'Andriamanitra izany, amin'ny alàlan'ireo fiteny tsy fantatra, fandikana, amin'ny alàlan'ny faminaniana, na fomba iray hiditra ao amin'ny fiainan'io olona io ka hamoaka an'ilay zavatra izay nataony, ary hiteny aminy ny amin'izany. Izany dia asam-panomoana iray izay tsy an'ilay pasitera, an'ireo fanomezam-pahasoavana miasa izany, saingy tsy tokony hatao ato amin'ny mpanatrika. Hitanareo?

⁴⁸ Ankehitriny, na indray mandeha aza i Paoly dia tsy nila niteny tamin'ireo—niteny tamin'ireo fiangonana Efesiana na inona na inona mikasika an'izany, tao anatin'ny lamina izy ireo, ilay fiangonana Romana, na tamin'ny iray tamin'ireo fiangonana hafa ireo; tamin'ny fiangonana Korintiana irery ihany, fa izy ireo dia tsy afaka nametraka ny tenany... Ankehitriny, nino ny fitenenana amin'ny fiteny tsy fantatra i Paoly. Efa nanana ny fitenenana amin'ny fiteny tsy fantatra izy tao amin'ny fiangonana Efesiana, tahaka ny nananany tao amin'ny fiangonana Korintiana, hitanareo, saingy afaka niresaka zavatra lehibe kokoa tamin'ireo Efesiana izy nohon'ny fitenenana amin'ny fiteny tsy fantatra fotsiny, fandikana ny fiteny tsy fantatra.

⁴⁹ Ankehitriny, noho izany raha misy olona manoratra hafatra iray izay nomena tamin'ny fiteny tsy fantatra na nomena tamin'ny faminaniana, ka napetraka teto ambonin'ny lampihazo, dia tsy maintsy vakian'ny pasitera izany alohan'ny anombohan'ny fotoana, ny "HOY NY TÖMPO HOE" avy amin'io olona izay niteny sy nandika io. Ary raha miseho marina tokoa araka ny nolazain'i lay fandikana izany, dia atsangantsika ny tànantsika ka misaotra an'Andriamanitra isika ny amin'Ny Fanahiny eo anivontsika. Raha tsy miseho izany, amin'izay fotoana izay dia aza atao intsony ilay izy mandra-pivoakan'io fanahy ratsy io ao aminareo. Tsy mandainga Andriamanitra, marina foana Izy.

⁵⁰ Noho izany, hitanareo, efa tena lehibe ianareo ankehitriny mba hihetsika toy ny lehilahy, fa tsy ankizy ("goo, goo, goo"), tokony hanana dikany iray amin'ny zavatra anankiray ianareo.

⁵¹ Aoka ny fiangonana ankehitriny, raha miditra ao amin'ny lamina izy, ho tonga ao amin'ity lamina ity. Raha nisy anankiray naminany... Raha misy anankiray tonga eo anivonareo, tsy nampianarina, ka miteny amin'ny fiteny tsy fantatra ianareo, dia ho barbariana iray ianareo aminy, tsy fantavy izay resahanareo. Hitanareo? Ary marina tokoa fa ao amin'izao andro izay misy fifanjevoana betsaka izao mikasika an'izany, dia miteraka vato manafintohina iray ilay izy. Fa aoka ny anankiray hiteny amin'ny fiteny tsy fantatra, ary ny iray hafa handika sy hanome ny hafatra, ary aoka ho vakiana manontolo eto amin'ny lampihazo mihitsy izany, ny amin'izay hiseho, ary avy eo dia aoka hitranga ilay izy, hitanareo izay mitranga. Teneno izy ireo fa "Rahampitso amin'izao ora, na amin'ny herinandro ho avy amin'izao ora, dia hisy an'izao zavatra izao," amin'izay fotoana izay dia aoka ilay tsy mpino hipetraka eo hihaino an'izany ka hahita fa nolazaina mialoha ilay izy alohan'ny itrangany. Amin'izay fotoana izay dia ho fantatr'izy ireo hoe karazana fanahy inona no eo anivonareo, ho Fanahin'Andriamanitra izany. Izany no nolazain'i Paoly hoe, "Amin'izay fotoana izay raha misy anankiray afaka maminany ka manambara an'ireo zavatra tsiambaratelo, tsy hiankohoka ve ny fiangonana manontolo, na, ilay tsy mpino, ka hanao hoe, 'Eo afovoanareo Andriamanitra'?" Hitanareo? Satria izany dia tsy mety ho....

⁵² Fa ankehitriny isika dia tsy mila... "Fony mbola zaza isika," hoy i Paoly, "dia nanao toy ny zaza aho," niteny tamin'ireo Korintiana izy tany hoe, "Niteny toy ny zaza aho." Nanana hevijaza izy. "Fa rehefa tonga lehibe aho, dia nilaozako ireo zavatra fanaon-jaza."

⁵³ Ankehitriny, izaho no miteny aminareo rehetra, hitanareo. Ankehitriny, taona vitsy lasa izay, dia zaza tamin'ireo fanomezam-pahasovana ireo ianareo, milalao etsy sy eroa. Fa efa nandalo fianarana lava ianareo ankehitriny, izao no fotoana tokony haha-lehilahy, fa tsy hampiasa azy ireo hilalaovana

fotsiny. Ireo fanomezam-pahasoavana ireo, masina izy ireo, avy amin'Andriamanitra, ary aza milalao azy ireo ianareo. Ndao isika hamela an'Andriamanitra hampiasa azy ireo. Izany no ilaina haha-izy ny asam-panompoanareo. Tahaka an'izany no ametrahana ny Branham Tabernacle ao amin'ny asa. Ary—ary raha anontaniana ny amin'izao, amin'ny fotoana rehetra, dia aoka ity horonam-peo ity hijoro ho vavolombelona iray hoe tahaka an'izany no tokony hanaovana azy ao amin'ny Branham Tabernacle.

⁵⁴ Raha hisy vahiny iray ho tonga, satria manana azy ireny hatrany foana ianareo, satria tabernakla iray iraisan'ny aranaram-piangonana ity, dia misy olona tonga izay tsy manana an'izao fanofanana tsara izao, tsy manana an'izany izy ireo, tsy mahafantatra tsratsara kokoa izy ireo. Ary ny pasiterany manokana, hitsangana avy hatrany izy ireo ka hanapaka ny hafany, sy hamotika ny antso eny amin'ny alitara, ary hiteny amin'ny fiteny tsy fantatra sy ny zavatra rehetra tahaka an'izany. Lehilahy tsara hofana kokoa noho izany ianareo. Hitanareo? Noho izany aorian'ny fotoana, raha tsy manara-dalâna izy, amin'izay fotoana izay dia anjaran'ny diakona ny manatona azy ireo. Aza mamela ny pasiteranareo ho voatery hanao an'ilay izy raha tsy hoe tonga eo amin'ny toerana iray izay tsy isian'ny diakona eto izany, fa ny diakona no natao hisahana an'izany. Hitanareo?

⁵⁵ Ankehitriny, aorian'ny fotoana . . . Raha mitsangana fotsiny ilay olona ka manome hafatra iray, ny pasitera, raha tiany ny hijanona iray minitra ka manohy, tena tsara, hitanareo, miankina amin'ilay pasitera izany. Fa amin'izay fotoana izay avy hatrany dia aoka ny diakona, alohan'ny ivoahan'io olona io ny tranobe, hitondra azy ireo mitokana ka hiresaka amin'izy ireo mikasika an'izany.

Ary raha manontany an'izany izy ireo, dia ento eo amin'ity horonam-peo ity ka lazao hoe, “Izao hoy ny eveka, na, ny mpanara-mason’ny fiangonana . . .” (Izay eveka, ilay . . . ny mpanara-maso rehetra, hitanareo, izany no antsoina ao amin'ny Baiboly hoe, “asan’ny eveka,” hitanareo, koa izany no mpanara-maso amboniny an’ny fiangonana.) “aoka . . . izao no lamina sy ny fomba anaovan’ny fiangonanay azy. Ankehitriny, tianay ianareo ho tonga hanome ny hafatrareo. Saingy raha manana hafatra iray avy amin’ny Tompo ianareo ka izany dia . . . aoka homena izany, miakara eto ary apetraho eo amin’ny lampihazonay izany, ka ny mpitoriteninay no hamaky azy amin’ny fiangonana, hafatra iray ho an’ity fiangonana ity.”

Fa tsy tokony ho famerenana Soratra fotsiny ilay izy, sy ireo zavatra tahaka an'izany. Tsy maintsy ho hafatra iray mivantana ho an’ny olona ilay izy, na zavatra izay natao hiseho, na zavatra izay tokony hataon’izy ireo. Azo ve ilay izy? Eny àry.

222. Ankehitriny, misy ve fomba iray hihazonana ny filaminana ao amin'ny fiangonana tsaratsara kokoa nohon'ny manohy mampahatsiahy ny olona amin'ny—ny famerenana avy amin'ireo diakona arak'izany?

Tsia, izany, vao avy nohazavaiko izany. Izany no fanontaniana nomerao telo.

⁵⁶ Ireo diakona, ny andraikitrareo dia ny mihazona ny filaminana ao amin'ny fiangonana, amin'ny fahatsaram-panahy sy fanehoam-pisakaizana. Ary noho izany ianareo dia natao ho izany, raha misy olona miala amin'ny filaminana ao amin'ny fiangonana, na miditra ato tahaka ny mamo iray, na olona iray miditra.

⁵⁷ Tahaka ny nitifiran'izy ireo an'ilay mpitoriteny teo amin'ny lampihazo indray hariva tany. Efa nandre ny amin'izany ianareo, ilay mamo izay niditra niaraka tamin'ny basy roa vava. Nihiakiaka mafy tamin'ny vadiny izy, ary—ary nila ny vadiny, ka nandeha nandroso nankeo amin'ilay pasitera. Ary nasehon'ilay pasitera azy ny vadiny nipetraka teo, saingy saika hitifitra azy avy hatrany tao anatin'ny fiangonana izy, fa nanomboka nifanaraka taminy ilay pasitera. Ary raha tokony ho—raha tokony ho... Ilay—nitodika ilay lehilahy niaraka tamin'ny basy ka nitifitra an'ilay pasitera teo amin'ny polipitra, ary avy eo dia nitifitra ny vadiny, ary avy eo dia nitifitra ny tenany.

⁵⁸ Ankehitriny, raha nisy andiana diakona iray teo rehefa niditra ny varavarana niaraka tamin'ny basy io lehilahy io, dia ho nametraka ny sandrinny nanodidina azy izy ireo, nanala an'ilay basy teny an-tanànany. Hitanareo? Hitanareo, izany no—izany no diakona araka ny lamina. Ary ankehitriny, mandeha araka ny andehanany ankehitriny ireo zavatra ireo, dia mety afaka manantena ny zavatra rehetra fotsiny ianareo. Fa, tsarovy, polisin'Andriamanitra ao an-tranon'Andriamanitra ireo diakona, tsy mampaninona izay heverin'ny olon-kafa. Matetika ny polisy anankiray dia tsy te-handeha ka hisambotra olona iray, angamba ny iray amin'ireo sakaizany, saingy efa nianiana ho an'ny asa iray izy, dia tsy maintsy manao an'izany na ahoana na ahoana. Izany no andraikiny amin'ny tanànany. Hitanareo?

⁵⁹ Izany no andraikiry ny diakona amin'ny fiangonana. Ary raha misy olona mitsangana ka manomboka mampiato an'ilay pasitera, na zavatra hafa tahaka an'izany, nefo ao amin'ny hafany ilay pasitera, dia natao hanatona an'ireo olona ireo ny diakona, roa na telo amin'izy ireo, manao hoe, "Afaka miresaka aminao ve izahay, rahalahy?" Hitanareo? Ento avy ao amin'ny fiangonana izy, ho ao amin'ny birao, ato na birao hafa iray, ka miresaha aminy mikasika an'izany, manao hoe, "Tsy tokony hampiato ianao." Fantatrareo, misy ny—misy ny sazy lehibe iray avy amin'ny lalàna ny mampiato fotoana iray na ahoana na ahoana. Hitanareo? Fa ny olona sasany,

tena tahaka ny olona maditra iray na tahaka an'izany, tonga eo anivonareo, fantatrareo, sy—sy mpivavaka fanatika sasany, ary—ary manomboka manao hadalana, amin'izay fotoana izay ireo diakona.... Ary raha—ary raha toy ny hoe tsy afaka mahafehy an'izany ireo diakona, amin'izay fotoana izay dia afaka manatona ny komitin'ny mpitantan-draharaha na olon-kafa iray ao amin'ny fiangonana ka manome fanampiana ny olona iray tahaka an'izany. Fantatrareo izany.

⁶⁰ Ary—ary ankehitriny dia mamele ahy hametraka an'ilay fanontaniana indray eto.

Misy ve fomba iray hihazonana ny filaminana ao amin'ny fiangonana tsaratsara kokoa nohon'ny mampahatsiahy ny olona amin'ny famerenana avy amin'ireo diakona, ankehitriny, indraindray?

⁶¹ Ankehitriny dia heveriko fa ny—ny pasitera, tena matetika mihitsy aza.... Na alefaso ity horonam-peo ity, aoka izany no hijoro ho vavolombelona iray. Polisy ireo diakona, ary ny tenin'izy ireo dia lalàna sy baiko. Hitanareo? Koa manana fahefana izy ireo avy amin'ny fiangonana sy avy amin'ny lalànan'ny firenena mihitsy aza hanao ny tranon'Andriamanitra ho toerana tsara. Ary ny olona anankiray hanohitra diakona iray tahaka an'izany, dia voasazy ho—ho roa ka hatramin'ny folo taona ao amin'ny fonja federaly. Raha miteny amin'izy ireo ianareo mba handeha ka tsy manao an'izany izy ireo, na zavatra tahaka an'izany, olona iray miaraka amin'ny fitondran-tena am-pikorontanana, tsy fantany fotsiny izay hataony... Izy no manao ny tenany, na mampirona ny tenany amin'ireo karazana sazy rehetra, ny zavatra rehetra.

⁶² Ary amin'izay fotoana izay ilay izy raha tonga eo amin'ny toerana anankiray izay ny olona iray... Ankehitriny, ohatra.... Ary raha mitsangana ny olona iray ka manao am-pikorontanana.... Miteny amin'ny fiteny tsy fantatra fotsiny angamba na tahaka an'izany, tsy hiditra eo amin'izany aho. Hitanareo, avelao izy ireo hanao, satria raha vahiny iray izy ireo. Raha ny olontsika manokana izy ireo, amin'izay fotoana izay dia aoka fotsiny ny, ny hariva manaraka, alaivonareo diakona fotsiny ity horonam-peo ity, ka lazao hoe, "Ankehitriny, handefa an'ireo lamin'ny fiangonana isika alohan'ny hanombohantsika ny fotoana, tiako hahazo an'izany ny olona rehetra." Ary ianareo pasitera sy ianareo rehetra dia afaka miara-miasa tahaka an'izany.

223. Ankehitriny, Rahalahy Branham, ahoana ny amin'ny sekoly Alahady? Rahalahy Branham, mikasika ny sekoly Alahady (eny àry), tokony ho alohan'ny fotoan'ny fitorian-teny ve izany?

⁶³ Eny, efa nanana azy foana tahaka an'izany isika. Ataovy alohan'ny fotoan'ny fitorian-teny ny sekoly Alahady. Ary izany

no manome anjara ho an'ireo ankizy madinika izay manatrika ny sekoly Alahady, hampirava ny kilasin'izy ireo. Ary raha—ary raha tian'izy ireo . . . ary tsy azon'ireo ankizy madinika izany, ka voatery hipetraka hatramin'ny farany mandritry ny fotoan'ny fitorian-teny izy ireo ary avy eo dia hanao sekoly Alahady, dia ho trotraka tanteraka ireo ankizy madinika. Ataovy aloha ny sekoly Alahady, manàna fotoana voafetra, amin'ny fotoana voafetra iray no manomboka ny fianarana sekoly Alahady. Ny mpanara-maso ambonin'ny sekoly Alahady no natao hikarakara an'izany, hoe io sekoly Alahady io dia manomboka mianatra amin'ny fotoana manokana iray, fotoana voafetra. Ary mirava amin'ny fotoana manokana iray izany. Ny sekoly Alahady rehetra, mamele fotoana betsaka ho an'izany, ary avy eo dia ampiravao.

224. Tokony ho olona hafa iray nohon'ny pasitera ve ny mpampianatra ny kilasy lehibe?

⁶⁴ Raha tena ekena ilay izy. Raha te-hampianatra ny sekoly Alahady ilay pasitera ka hitondra ny hafatra afaka kelikely avy eo, dia tsara sy mahafinaritra izany raha tiany ny hanao an'ilay asa roa. Fa raha tsy tiany, amin'izay fotoana izay dia manàna ny mpampianatra sekoly Alahady lehibe anareo, hitanareo, ho an'ny kilasy lehibe anareo. Ary amin'izay fotoana izay raha—raha manana olon-kafa iray ao an-tsaina ilay pasitera, ka te-hanao an'izany ilay olona, dia ianareo ihany no aoka hanome telopolo minitra, na inona na inona hamelanareo ny sekoly Alahadinareo, telopolo na dimy amby telopolo, efapolo minitra, na inona na inona ilay izy.

⁶⁵ Ary tokony hisy lakolosy iray mipetraka eo. Ary rehefa kapokapohina io lakolosy io, izany dia midika . . . na ny lakolosin'ny fiangonana koa, rehefa mikapokapoka ilay izy ao ivelany, dia izany no firavan'ny sekoly Alahady. Ary rehefa maneno io lakolosy io, dia midika izany fa miditra ao amin'ny lamina avy hatrany ny zavatra rehetra.

⁶⁶ Tokony hisy fotoana betsaka amin'izay fotoana izay ho an'ny hira fiderana iray na roa, na inona na inona no hirainareo. Tsy fotoana betsaka loatra, handreraka ny olona amin'ny fihazonana azy ireo ela loatra ianareo, hitanareo. Ary kapokapohy fotsiny ilay lakolosy, manaova hira fiderana iray sy na inona na inona hataonareo, ary avy eo dia alefaso eny amin'ny toerana ireo kilasinareo. Ary avy hatrany rehefa tonga ny fotoana, atao hoe izany dia ho amin'ny—amin'ny folo ora, na amin'ny folo sy sasany, na amin'ny folo sy fahefany, na inona na inona ilay izy, dia kapokapohy io lakolosy io ary mampirava ny kilasiny ny mpampianatra rehetra, tonga ao amin'ny mpanatrika eto. Ary avy eo . . . Ary manaova tatitra, tatitry ny sekoly Alahady, ary avy eo dia ampiravao ny zavatra rehetra, ka aoka ny rehetra izay te-hijanona ho an'ny fotoan'ny fitorian-teny no ho avy manaraka. Hitanareo, amin'izay fotoana izay dia milamina ilay izy.

Fanontaniana? **Ho fi...**[Misy olona iray manontany an-dRahalahy Branham hoe, “**Ary hanana kilasy misaratsaraka ve izahay amin’izay fotoana izay, amin’ny teny hafa?**”—Mpand.]

⁶⁷ Oh, eny, tokony hanana ianareo. Ny—ny telo taona iray dia tsy afaka hahazo an’izay ho azon’ny efatra ambin’ny folo taona iray. Heveriko fa manana an’izany lavidavitra kely kokoa aho.

225. Firy ireo kilasy tokony hisy?

⁶⁸ Ianareo dia tokony hametraka an’ireo kilasinareo ao... Ohatra hoe ny kilasin’ny bitika kely iray izay te-hanana kisarisary filanelina, izany dia tsy mety loatra amin’ny zazalahy efatra ambin’ny folo taona iray na zazavavy. Hitanareo? Tokony hanana olona iray ianareo handray kilasy iray ho an’ireo zaza kely ireo, reny antitra iray na tahaka an’izany izay mahafantatra hoe ahoana no hikarakarana azy ireo. Ireo kilasy hafa, heveriko, dia tokony ho olona iray izay afaka haneho kokoa ny Teny. Hitanareo? Ary tokony hisy kilasy. Atao hoe ankehitriny, tokony hisy ohatra kilasy iray ho an’ny manomboka amin’ny... Farafahakeliny kilasy telo.

⁶⁹ Tokony hisy kilasy iray an-jaza kely bitika, tokony hisy manomboka amin’ny dimy taona. Fa ireo hafa rehetra eo ambanin’izany dia tokony hazonina miaraka amin’ny reny, ary entina ao amin’ny efitrano ny ankizy raha ilaina izany mandritry ny fotoan’ny—an’ny fitorian-teny, raha manomboka manakorontana izy ireo. Izany no nanaovana ny efitrano ny ankizy ao.

⁷⁰ Ary heveriko fa ireo—ireo kilasy dia tokony halamina ohatra manomboka amin’ireo zaza kely eo amin’ny dimy na enin-taona, hatrany amin’ny valo na sivy, folo, zavatra tahaka an’izany. Ary avy eo manomboka amin’ny folo taona hatrany amin’ny dimy ambin’ny folo dia tokony ho ao amin’ny—ny kilasin’ny adolantsento. Ary avy eo ny kilasin’ny lehibe mihoatra ny dimy ambin’ny folo, satria izy ireo...raha tena lehibe izy ireo mba-mba... amin’izao andro ankehitriny izao dia afaka mahazo asa iray izy ireo ary te-hifidy amin’io taona io, saiky; noho izany izy ireo—tokony ho afaka handre ny Teny izy ireo, fa tonga ato amin’ny efitrano malalaka lehibe dia mahazo an’izany.

226. Iza no tokony ho mpampianatra?

⁷¹ Eo ianareo izao, miankina aminareo ny mifidy an’ireo mpampianatra anareo manokana ao. Ary tokony hanao an’izany ianareo, mametraka azy ireo ao, mitady olona iray. Koa antsoy ny fiangonana, ka manaova hoe, “Iza no... Iza eto no mahatsapa ho voatariky ny Tompo?” Ary amin’izay fotoana izay dia mifidiana mpampianatra iray manana fahaizana. Ary avy eo dia aoka izany no hatao. Tsy maintsy ho raharaha hentitra tokoa izany, ry rahalahy. Raha tsy afaka ny hanana fahaizana ho

an'izany ilay mpampianatra, amin'izay fotoana izay dia soloj ireo mpampianatra.

⁷² Rehefa tonga ny fotoana, eo anatrehan'Andriamanitra, raha tsapako ohatra hoe tsy afaka ny hanana fahaizana ny ho pasitera eto intsony i Orman Neville, dia ho lazaiko amin'ny fiangonana izany. Rehefa hahita zavatra anankiray eto aho, hihevitra fa tsy afaka hanana fahaizana ny ho diakona ianareo diakona, dia ho lazaiko amin'ny fiangonana izany, hoe, "Hitako fa misy diakona iray eto manao zavatra izay tsy tokony hataony, ary tsy mihazona ny toeran'andraikiny izy," sy ny sisa tahaka an'izany, na mpitantan-draharaha iray na inona ilay izy na inona. Tsy afaka hifidy eny na tsia aho, ny fiangonana no tsy maintsy manao an'izany, fa hatolotro eo anatrehan'ny fiangonana tokoa izany. Hitanareo, satria izany no tokony hanaovana azy. Izany no natao haha-izy ahy, amin'ny maha-mpanara-maso, dia natao hijery sy hahita an'izay miseho aho. Handeha any An-danitra isika, fa tsy any ho any eto any amin'ny fifaninanana iray na zavatra iray hahazoana fifalifaliana betsaka ka hifanitsaka, ary hilalao baseball. Mihazona ny zavatra mihaja indrindra izay misy eto ambonin'ny tany isika eto, ny Tenin'Andriamanitra, ary tsy maintsy entina ao amin'ny lamina masina izany.

Iza no tokony ho mpampianatra?

⁷³ Miankina aminareo ny hifantina azy ireo. Fa izaho dia haka, ho an'ireo zazakely, haka vehivavy antitra iray aho, anankiray izay afaka hanao an'izany. Fa ho an'ireo adolantsento, dia haka mpampianatra iray izay hentitra aho, fa tsy handehandeha fotsiny eto ka hanao fanendasan-tsaosisy. Ho mety tsara raha te-handeha ho any amin'ny fanendasan-tsaosisy iray izy ireo, saingy ny mametraka ny zavatra rehetra eo amin'izany fotsiny... Apetraho eo amin'ny Teny izany, mametraha olona iray izay afaka mihazona ny Teny. Ary izany dia ho, ity fiangonana ity dia mijoro tsy ho an'ny... Mety tsara ny fanendasan-tsaosisy, sy—sy ireo fitsangatsanganana kely izay tianareo handehanana miaraka ary hiombonana, tsara izany, izany—izany no tokony hataonareo mba hamalifaly an'ireo ankizy. Fa ato amin'ity toerana *eto* ity, ity dia ny Tenin'Andriamanitra. Ny fanendasan-tsaosisy dia rehefa mihaona miaraka ianareo, na zavatra tahaka an'izany, fa tsy ato amin'ity tranon'Andriamanitra ity. Ary ireo dia mahafantatra, mazava ho azy fa mahafantatra isika eto hoe tsy mino an'io fahadalan'ny—ny—ny fety sy ny zavatra rehetra tahaka an'izany eto, isika—isika... mahafantatra tsaratsara kokoa noho izany ianareo.

227. Iza no tokony ho lehiben'ny sekoly Alahady mba hihazona azy ao amin'ny lamina?

⁷⁴ Ny mpanara-maso ambonin'ny sekoly Alahady. Ary izany no raharahany. Tsy natao hanana zavatra hatao miaraka amin'ny

diakona izy, ireo mpitantan-draharaha, ireo pasitera, na olon-kafa, manana asa iray azy manokana izy. Na iza na iza no mpampianatra sekoly Alahadinareo, tsy fantatro. Saingy io mpampianatra sekoly Alahady io dia natao hahita fa ao amin'ny toerany ny kilasy rehetra, ary tonga ny mpampianatra rehetra, na mpampianatra hafa iray solon'io mpampianatra io raha tsy eo izy ireo amin'io andro io.

⁷⁵ Amin'izay fotoana izay mialoha indrindra ny Alahady... Raha mbola ireo—mandeha ireo lesona, dia tokony handalo ny mpanara-maso ny sekoly Alahady ka mandray ny fanatitra izay nataon'izy ireo tao (ny rakitry ny sekoly Alahadiny), ary manao tatitra ny amin'ny hoe firey no tonga, firey ny Baiboly nananan'izy ireo tao amin'io kilasy io, sy ny sisa, ary manao tatitra an'izany. Ary avy eo dia mitsangana eo anatrehan'ny mpanatrika mialoha indrindra ny fotoan'ny fitorian-teny, rehefaomena an'ilay fihetsika kely hanao an'izany izy, rehefa manao ny tatitrity ny sekoly Alahady izy ireo aorian'ny fiafarany sekoly Alahady, miteny hoe firey ireo mpampianatra, firey no tonga, firey ny tontalin'ny sekoly Alahady manontolo, ny manontolo—tontalin'ny rakitra manontolo, sy ny sisa tahaka an'izany. Ireo diakona, mpitantan-draharaha, pasitera, dia tsy natao hanao an'izany. Tsy misy idiran'izy ireo ao amin'izany, asan'ny mpanara-mason'ny sekoly Alahady izany.

⁷⁶ Ary avy eo raha hitany fa mila zavatra maromaro ny sekoly Alahady, amin'izay fotoana izay dia tokony atolony izany ho an'ny—ny komitin'ny mpitantan-draharaha, dia manao fivoriana iray mikasika an'izany ireo mpitantan-draharaha, aloha. Ary avy eo ireo mpitantan-draharaha, raha hitan'izy ireo fa misy vola ampy ao sy ny sisa, amin'ny alàlan'ny mpitahiry vola, amin'izay fotoana izay dia azo vidiana io; raha mila zavatra hafa iray ho an'ny literatiora izy, na inona na inona ilay izy, na Baiboly sasantsasany na zavatra iray, te-hividy Baiboly iray izy ireo ho an'ny anankiray, fantatrareo, izay afaka mahita teny be indrindra sy manonona Soratra be indrindra, loka iray na zavatra izay ho zarain'izy ireo tahaka an'izany, fanomezana, ka tian'izy ireo ny hividy an'ilay izy amin'ny alàlan'ny fiangonana. Amin'izay fotoana izay dia aoka izany hatolotra an'ireo—an'ireo—an'ireo—ireo diakona...ary avy eo dia aoka izy ireo hahita raha izany dia—raha izany dia—raha ao amin'ny tahirim-bola izany. Hitanareeo?

⁷⁷ Ary heveriko avy eo fa izany dia mahasahana an'ireo fanontaniana dimy eo amin'izany.

Ankehitriny ny anankiray manaraka, dia:

228. Rahalahy Branham, ho fanajana ny lamin'ny fiangonana, dia efa niezaka izahay ny nandeha araka ny fomba ahazoanay an'ireo lamina izay nomena tamin'ny fanokanana ny fiangonana vaovao. Ary tamin'ny

fanaovana tahaka an'izany, dia lasa romotra ny sasany ka niala tamin'ny fiangonana. Ary ireo hafa dia tsy hihaino ny zavatra rehetra izay lazainay, indrindra ireo ankizy. Efa niresaka tamin'ireo raiamandreny izahay mikasika an'ireo zanany, fa tsy hiraharaha azy izy ireo. Ankehitriny, izahay ve no diso fahazoana? Sa, diso ny fomba ataonay mikasika an'ilay izy? Misaotra.

Ankehitriny mamelà ahy hamaly an'ity araka ny hahatongavan'izy ireo.

Ho fanajana ny lamin'ny fiangonana, dia efa niezaka izahay ny nandeha araka ny fomba nahazoanay azy izay nomena tamin'ny fanokanana ny fiangonana vaovao.

⁷⁸ Ankehitriny, marina izany, tsara ny nataonareo. Ankehitriny, ity dia natao ho an'ireo diakona, heveriko, satria eto mihtsy izany, asan'ny diakona izany. Eny àry.

Ary tamin'ny fanaovana tahaka an'izany, izahay mazàna dia... lasa romotra aminay ny olona mazàna.

⁷⁹ Izy ireo dia manao amiko, ihany koa! Manao an'izany amin'ny lehilahy rehetra izy ireo. Hitanareo? Ny olona iray izay manao an'izany, dia misy zavatra tsy mety amin'izany olona izany. Tsy marina amin'Andriamanitra izy ireo, satria ny Fanahin'i Kristy dia manaiky ny fampianaran'i Kristy, ny tranon'i Kristy, ny baikon'i Kristy. Hitanareo? Ary ny lehilahy rehetra izay...na ny vehivavy rehetra, na ireo olona rehetra, ankizy, izay ho tezitra amin'ny diakona masina iray izay hiteny amin'izy ireo mba ho...ary, na ny raiamandreny rehetra izay ho tezitra amin'ny diakona iray...Marina tokoa, tantsika ho ato amin'ity fiangonana ity ny olona rehetra izay azontsika entina; saingy raha hiteraka korontana fotsiny any ho any izany, dia misy tsilo iray ao na "bitro iray ao anatin'ilay antontan-kazo," araka ny filazantsika taloha. Tsy marina izany olona izany.

⁸⁰ Raha miala izy ireo, dia zavatra tokana ihany no atao: avelao izy ireo handeha, ary mivavaha ho azy ireny. Hitanareo? Avy eo ny sasany amin'ireo diakona angamba no mandeha mankany amin'ny fian-...na, mandeha any an-tranon'izy ireo indray andro, ka hahita hoe nahoana izy ireo no niala, ary hanontany azy ireo hoe inona no tsy nety. Avy eo, ary raha izy ireo... Hahita raha afaka hampihavana azy ireo izy. Raha tsy afaka izy ireo, amin'izay fotoana izay dia mitondrà vavolombelona roa na telo miaraka aminy, mba hahatonga azy ireo ho azo. Amin'izay fotoana izay raha tsy mety ho azo izy ireo, amin'izay fotoana izay dia lazaina eo anatrehan'ny fiangonana izany raha mambra iray eto amin'ny fiangonana izy ireo. Amin'izay fotoana izay izy ireo dia...

⁸¹ Ary amin'izay fotoana izay raha tsy mambran'ny fiangonana izy ireo, mazava ho azy fa tsy mambra an'ity fiangonana ity izy ireo, dia tokony ho *natao* ho voafehy izy ireo. Hitanareo, izy ireo—

tsy maintsy mihaino an'ireo lamina eto izy ireo, satria izany no lamin'ny fiangonana. Izany dia zavatra izay tsy tiantsika hatao, zavatra izay tsy tiako hatao, saingy zavatra tsy maintsy atao ilay izy. Ary mampiharihary ny tenako aho: ary miteny amin'izy ireo eto amin'ny alàlan'ity horonam-peo ity, izaho izany, afaka mandre ahy miresaka izy ireo ka mahafantatra hoe izaho izany, fa tsy ianareo lehilahy. Ianareo no nametraka *tamiko* an'ireto fanontaniana ireto, ary manome azy ho anareo amin'ny tsara indrindra izay fantatra avy amin'ny Tenin'Andriamanitra aho.

⁸² “Ankehitriny, raha lasa tezitra ireo olona ireo ka miala aminareo, dia inona no lazain'ny Soratra mikasika an'izany, Rahalahy Branham?”

⁸³ “Niala tamintsika izy ireo satria tsy isantsika.” Ary milamina hatreo izany. “Niala tamin’ny fiangonana,” izany no nataon’izy ireo. Eny àry.

Ireo hafa dia tsy hihaino ny zavatra rehetra izay lazainay, indrindra ireo ankizy.

⁸⁴ Natao hahafantatra ny fitsipika ireo ankizy, tokony hianatra an'izany izy ireo any an-trano. Fa na dia ny ahy aza izany, raha tonga eto ireo zanako amin'ny fotoana rehetra, ka lasa mikorontana, dia tsy tiako hanala tady anankiray ianareo; Sarah, Rebekah, Joseph, Billy, na mety ho iza izany. Teneno amiko, dia izaho no hahita an'izany. Raha tsy mahay mitondra tena tsara izy ireo, amin'izay fotoana izay dia hijanona lavity ny fiangonana mandra-pianatr'izy ireo hitondra tena tsara. Tsy kianja filalaovana ity, tranon'Andriamanitra ity. Tsy toerana hilalaovana ity, sy hikorisàna, sy hanoratana tapa-taratasy, sy hihomehezana, ary hitabatabana, tranon'Andriamanitra ity; tsy maintsy entina am-pahamasinana.

⁸⁵ Tonga eto ianareo mba hivavaka, tsy hifamangy akory aza. Ity dia tsy–tsy toera-pitsangatsanganana ity, tsy toerana famangiana ity; ity dia toerana famangian'ny Fanahy Masina, henoy izay ho Lazainy, fa tsy ny iray amin'ny hafa. Tsy tonga eto isika mba hifampiombona, tonga eto isika hiombona amin'i Kristy. Trano fivavahana ity. Ary tsy maintsy fehezina ireo ankizy, ary raha izy ireo...na amin'ny alàlan'ireo raiamandreny. Aoka ho fantatra izany! Fa raha ireo diakona ireo... Raha tsy hihaino an'izay nolazain'ireo diakona ireo raiamandreny ireo, amin'izay fotoana izay dia io raiamandreny io mihitsy no tokony hahitsy.

Efa niresaka tamin'ireo raiamandreny izahay mikasika an'ireo ankizy, nefo tsy hiraharaha azy izy ireo.

⁸⁶ Raha mambran'ity fiangonana ity izy ireo, amin'izay fotoana izay dia tokony haka roa na telo ianareo miaraka aminareo ka hiantso an'ilay raiamandreny ao amin'ny fihaonana manokana, ao amin'ny iray amin'ireo birao. Tsy ahoako na iza ilay izy, raha izaho izany, raha i Rahalahy Neville izany, raha i Billy

Paul sy ny zananilahy kely izany, raha i Rahalahy Collins sy ny iray amin'ireo zanany izany, na ny iray amin'ny sisa aminareo. Isika dia... Mifankatia isika, saingy voafatotry ny andraikitra amin'Andriamanitra sy ity Teny ity. Raha i Doc izany, ny... tsy mampaninona na iza ilay izy, tsy maintsy mifampiantso isika ary mifampahitsy fo. Ahoana no mba ahafahan'Andriamanitra hifanaraka amintsika, raha tsy mifampahitsy fo isika? Ahoana no hahatonga antsika hahitsy fo Aminy? Hitanareo?

⁸⁷ Baiko iray izao, tsy maintsy mitandrina ny tranon'Andriamanitra isika! Ary ireo diakona dia natao hahafantatra hoe ahoana no hanaovana an'izany. Hitanareo? Ary izany no antony itenenako aminareo ankehitriny, tandremo ho voahazona tsara ireo zavatra ireo. Ary raha ity, raha miteny an'ireo raiamandreny ianareo ka tsy hihaino an'ity izy ireo, tsy hihaino an'izany, amin'izay fotoana izay dia makà diakona hafa iray na ny iray amin'ireo mpitantan-draharaha, na olona tsara iray an'ity fiangonana ity, dia antsoy... ento ny mpit... Ento ny komitin'ny diakonareo, ianareo diakona rehetra miaraka, lazao hoe, "Rahalahy Jones, Rahalahy Henderson, Rahalahy Jackson," na mety ho izay ilay izy, hitanareo, "ny zanak'izy ireo dia tsy mitondra tena tsara, efa noteneninay indroa na intelo izy ireo mikasika an'ireo zanany, nefo tsy hihaino an'izany."

⁸⁸ Amin'izay fotoana izay dia antsoy Rahalahy Jones, na Rahalahy *Iza-ilay-izy*, ka lazao hoe, "Rahalahy Jones, niantso anao eto izahay ho an'ny fihaonana iray. Tianay ianao, ary izahay... ampahanay ianao, isanay ianao. Mamela ahy fotsiny handefa an'ity horonam-peo iray ity ka henoy izay nolazain-dRahalahy Branham mikasika an'izany, hitanao. Ankehitriny, nangataka taminao izahay mba hanao an'ireo ankizy ireo hitondra tena tsara. Hitanao? Raha tsy hitondra tena tsara izy ireo, ka tsy afaka hanao azy ireo hitondra tena tsara ianao ao am-piangonana, dia ajanony miaraka amin'ny olona iray izy ireo rehefa mankaty am-piangonana ianao mandrapianatr'izy ireo hoe ahoana no fitondrany ny tenany tsara ao an-tranon'Andriamanitra." Hitanareo? Fa baiko iray izao, tsy maintsy tanterahina izany! Hitanareo?

Ankehitriny, mitohy ilay fanontaniana hafa.

Ankehitriny, izahay ve no diso fahazoana?

⁸⁹ Tsia, tompoko. Tsy ianareo no diso fahazoana, marina izany. Lazaike indray ilay izy, ireo baiko. Ao amin'ny tafika, dia tsy manontany anareo izy ireo hoe, "Sitrakao ve ny handeha hanao zavatra iray?" Raha ao amin'ny tafika ianareo, dia *voatery* hanao an'ilay izy. Hitanareo? Ary tahaka an'izany ilay izy ao amin'ny... Voatery history ny Filazantsara aho. Voatery hanohana an'Ity aho tsy mampaninona izay lazain'ilay lehilahiko hafa ary ireo rahalahy sy ny sisa mikasika an'Izany, voatery hanao an'izao aho. Tsy maintsy mandratra fihetseham-

po sy mandrantsana ny olona ho potipotika aho, saingy raha izaho...

⁹⁰ Tsy te-ho lasa tahaka an'i Oswald ianareo. Hitanareo? Raha tsy mifanaraka amin'ny olona iray sy ny sisa ianareo, ary avy eo dia handray ny tànany nefà mbola manana an'ilay fihetseham-po iray ihany mikasika azy foana, amin'izay fotoana izay dia misy zavatra tsy mety aminareo. Raha tsy afaka ny tsy hifanaraka amin'ny olona iray aho (am-pahangidiana mihitsy, avy amin'ny lafiny rehetra) nefà mbola mieritreritra betsaka ny aminy foana tahaka-tahaka ny hataon'i Kristy, amin'izay fotoana izay dia misy zavatra tsy mety amin'ny fanahiko, tsy manana ny Fanahin'i Kristy aho. Hitanareo?

⁹¹ Raha hoy izy hoe, "Eny, Rahalahy Branham, izaho—mino aho fa ny fampianaranao dia *ity, itsy.*"

⁹² "Eny àry, rahalahy, ndao isika ho tonga hiaraka hiady hevitra, izaho sy ianao. Isika irery ihany no haka an'ilay izy. Isika irery ihany no handeha ato amin'ny efitra ato, hiady hevitra ny amin'izany isika." Ary mandrantsana ahy ho potipotika mihitsy izy, ary tsy maintsy milaza zavatra aho hamaly azy. Raha tsy afaka mahatsapa an'ilay zavatra iray ihany mikasika azy aho ato am-poko, hoe "mbola rahalahiko foana izy ka miezaka ny hanampy azy aho," amin'izay fotoana izay dia tsy hahavita hanampy azy mihitsy aho, tsy misy fomba ho ahy hanampiako azy. Raha tsy tia azy aho, dia inona no ilainy ny handehanana ao? Teneno aminy hoe, "Voalohany aloha, Rahalahy, dia tsy tia anao aho, ka mamelà ahy hamoaka an'izany avy hatrany avy ao ampoko eto alohan'ny hidirantsika ao, satria tsy afaka manampy anao aho raha tsy tia anao."

⁹³ Ary marina izany, fa izany ilay fanao. Hitanareo, tohizo ilay izy, tena marina tokoa no nanaovanareo an'ilay izy, tahaka an'izany no tokony haha-izy azy. Tsy diso fahazoana an'ilay izy mihitsy ianareo.

Diso ve ny fomba ataonay mikasika an'ilay izy?

⁹⁴ Tsia, izany no fomba marina hitondrana azy. Aoka ho tandremana ny lamina! Satria izany tsy an-kitsahatra dia... Ankehitriny, ireo ankizy kely sy reny, ireo zaza kely sy ny sisa, izy ireo—mitomany izy ireo, ary raha mitomany be loatra izy ireo ka mampitsahatra ny pasiteranareo eo, dia tsarovinareo, ianareo no mpiambina azy, ianareo no mpiambina ara-Pilazantsarany. Hitanareo? Ary raha manapaka ny hafatry ny Tompo ilay izy, amin'izay fotoana izay dia ianareo no diakona, inona no tokony hataonareo? Mitovy mihitsy, amin'ny olona miteny amin'ny fiteny tsy fantatra, voafatotry ny andraikitra izy. Ary ny lehilahy iray izay mitory teny, dia voafatotry ny andraikitra amin'ny Teny izy, voafatotry ny andraikitra amin'ireo zavatra ireo izy. Voafatotry ny andraikitra amin'ny asa iray ny tsirairay avy

aminareo, ary izany dia—ary izany mihitsy isika—no tokony hataontsika eto.

⁹⁵ Ankehitriny, tsy te-hiandry ela loatra isika, ary fantattro fa manana fotoam-pihaonana iray aho afaka minitra vitsy, noho izany aho dia—hiezaka ny handeha haingana arak’izay vitako mihitsy aho.

229. Rahalahy Branham . . .

Misy telo, fanontaniana roa eo amin’ity karatra eto ity.

Rahalahy Branham, inona no tokony ho fepetra amin’ny fanaovana rakitra ho an’ny olona ao amin’ny fiangonana? Ahoana no tokony hanaovana an’io?

⁹⁶ Heveriko fa ny fanaovana rakitra ho an’ny olona ao amin’ny fiangonana dia tsy tokony hatao raha tsy ho an’ny pasiteranareo ilay izy. Ary heveriko fa raha misy olona iray miditra hangataka, na zavatra tahaka an’izany, hoe . . . Na olona iray izay—izay tena mila zavatra, ohatra hoe ny iray amin’ny membrantsika eto, ny fiangonantsika, atao hoe raha ny iray amin’ireo rahalahintsika, ka manana olana iray izy ireo; eny, heveriko amin’izay fotoana izay fa tokony ho lazaina eo amin’ny lampihazo ilay izy, ary aoka ny pasitera no hanao an’izany, heveriko fa andraikiny ny manao an’izany; rahalahy iray izay mila zavatra, aoka izy hanolotra an’izany amin’ny fiangonana, raha tahaka an’izay no tiany hitondrana azy.

⁹⁷ Raha olona mila zavatra ilay izy ka—ka amin’izay fotoana izay dia tsy te-hanao rakitra ho an’ilay olona izay mila zavatra ianareo, amin’izay fotoana izay dia aoka hivory miaraka ireo komity ka hifanaraka eo amin’ny tonom-bola iray izay tian’izy ireo homena an’io olona io avy ao amin’ny tahirim-bola. Fa raha ambany ny tahirim-bola amin’io fotoana io ka tsy afaka misahana an’izany izy ireo, amin’izay fotoana izay dia tokony alaina ilay izy, eny, aoka—aoka ny . . . aoka ho resahana miaraka amin’ny komity izany, manome baiko an’ny pasitera, ary aoka ny pasitera no hangataka an’io zavatra iray io. Manao hoe, “Ankehitriny, izao hariva izao (Ny Rahalahintsika Jones, izy dia tratry ny—ny loza mahatsiravina, may ny tranony.), ka izao hariva izao, amin’ny maha-Kristiana, hiaraka isika, ny tsirairay avy amintsika dia hanao fanolorana iray avy amin’izay azontsika hatao mba hanampiana an-dRahalahy Jones hiverina miaraka amin’ny tranony indray.” Hitanareo, na—na inona na inona ilay izy. Hitanareo, isika dia to- . . . hataontsika izany. Aoka ho lazaina avy eo amin’ny lampihazo ilay izy, izany no fomba hanaovana azy. Ary avy eo dia aoka hangonina ireo fanolorana, ka atolory an’ny mpitahiry volan’ny fiangonana izany avy eo. Ary ireo fanolorana ireo dia tokony ho voaloa amin’ny alàlan’ny mpitahiry volan’ny fiangonana, sy homena azy ireo. Ary—ary omeo rosia iray ho an’izany ilay olona, satria

tsy fantatro na misy tamberin-ketra izany na tsia; ataoko fa misy izany ho an'ny zavatra tahaka an'izany.

⁹⁸ Ankehitriny, fa ilay izy rehefa tonga amin'ny hoe ohatra ny—miditra ny vahiny iray, miditra ny vahiny iray ohatra hoe izy dia... Miditra ny olona iray ka manao hoe, "Eny, mba fantatrareo moa? Izaho—izaho—eo amin'ny dia iray aho ka vaky ny kodiarako anankiray, ary mila kodiarana vaovao iray aho. Manaova fanatitra iray ho ahy izao hariva izao ho an'ny kodiarana vaovao anankiray." Ankehitriny, tsy tokony hatao izany. Tsia, tsy tokony hatao izany. Ary ilay izy raha toy ny hoe—ilay izy raha toy ny hoe zavatra mendrika iray, an'ny olona iray izay fantatrareo, dia afaka mivory ny komity ka manendry tontalim-bola iray avy amin'ny mpitahiry vola hvidianana kodiarana iray ho an'io olona io na inona na inona ilay izy. Na koa raha ambany ny tahirim-bolan'ny fiangonana, ka tapaky ny komity fa ireo... Tsy misy tokony hidiran'ny pasitera amin'io, ireo—ireo diakona no natao hanao an'io, hitanareo, na ireo komity. Ary ankehitriny raha io... Raha nekena ilay izy, amin'izay fotoana izay dia omeo an'ny pasitera, afaka manao an'ilay rakitra ny pasitera. Fa, mariho, raha vahiny iray ilay izy, ao amin'ny hamehana iray, olona anankiray izay mila vola kely ka tsapanareo fa ho an'ny antony marina izany, (ankehitriny hevitro ity), raha ho an'ny antony iray tena marina izany ka fantatrareo fa antony iray marina izany...

⁹⁹ Ankehitriny, voalohany, raha mandeha any ianareo ka mijery eo amin'ireo bokiko any an-trano, ny amin'ireo olona nandalo ka nanao hoe, "Izaho no Revera *Ranona-sy-ranona* avy amin'ity fiangonana *izao-sy-izao*, ary izaho—tratry ny olana iray teto an-dàlana teto aho, ary izaho—mila kodiarana maromaro aho," ka fantatro fa vao avy tany amin'ny favoriana iray aho ary nahazo rakitra iray, na zavatra hafa tahaka an'izany, dia ho nomeko azy izany, saiky, mba handeha hividy kodiarana. Fa njery tao amin'ireo fitanan-tsortatra aho, tsy nisy mpitoriteny iray tahaka an'izany tao, tsy nipetraka tao amin'izany toerana izany mihitsy. Ary misy iray na roa alina dolara eo amin'ireo boky nanomboka tamin'ireo taona ireo no nozaraiko tahaka an'izany, tsy nahafantatra na inona na inona mikasika azy ireo aho hoe aiza izy ireo. Dia hitako, hoy ireo mpitoriteny hafa hoe, "Nahoana, izy no nahatonga ahy ho *izao-sy-izao* ary *izao-sy-ity*."

¹⁰⁰ Ankehitriny, ny fiangonana dia tsy tompon'andraikitra, fa amin'ny azy manokana irery ihany. Marina izany. Amin'ny azy manokana, no tompon'andraikitra izy ireo.

¹⁰¹ Fa raha toy ny hoe misy antony mendrika iray, ka avy eo raha ianareo, ny, raha mety hilaza ianareo mpitantan-draharaha hoe, "Eny, ankehitriny andraso iray minitra. Ity lehilahy ity, izy *dia* io, ao ny fiarany, misy izany, nitranga, ary *ity*. Tsy avy amin'ny fiangonantsika izy, hitanareo, saingy misy ilay izy." Amin'izay fotoana izay raha tian'izy ireo ny hanaovana an'ilay

izy tahaka an'izany, ka te-hilaza zavatra manokana mikasika ny olona ivelany . . .

¹⁰² Tsy ny antsika manokana, ankehitriny, hitanareo, tsy ny olontsika manokana, ny olontsika manokana dia tokony halaina avy hatrany eto anivon'ny azy—azy manokana, ireo rahalahiny eto, hitanareo.

¹⁰³ Fa raha olona iray any ivelany ilay izy, ary raha milaza ny olona iray fa noana izy na . . . ka misy olona iray te-hikaroka ny paosiny sy hanome fiantrana iray ho azy, dia miankina aminareo izany, fa miresaka mikasika ny avy amin'ny fiangonana aho. Ary noho izany raha ny olon'ny fiangonana no *angatahina* hanome, amin'izay fotoana izay . . .

¹⁰⁴ Ankehitriny, raha manana evanjelista iray ianareo, mazava ho azy, mitory teny ato, amin'izay fotoana izay dia alaivo . . . ianareo . . . izay efa azo alohan'ny ahatongavany, fantatrareo, fa hanome azy rakitra iray ianareo, na handoa karama ho azy, na inona na inona tiany hatao.

¹⁰⁵ Fa amin'izay fotoana izay raha eto io olona io, ka ho an'ny antony marina ilay izy, ary ny pasitera . . . ary te-hifanaraka ny komity ka hiteny amin'ny pasitera mikasika an'izany, amin'izay fotoana izay dia aoka ny pasitera hanao hoe, “Mipetraka eto ny olona *izao-sy-izao*, tsy fantatray ilay lehilahy, niditra izy ary nangataka taminay ho an'ny . . . milaza izy fa noana ireo zanany. Izahay tsy manam-potoana . . . izahay tsy manam-potoana hanadihadiana an'ilay—ilay—ilay—ilay—ilay fangatahana.” Hitanareo?

¹⁰⁶ Raha misy zavatra tahaka an'izany, amin'izay fotoana izay dia ireo—ireo . . . Raha misy zavatra eo anivon'ny antsika manokana, dia ireo—ireo diakonantsika manokana no mandeha manadihy an'ireo fangatahana ireo. Hitanareo? Ary amin'izay fotoana izay raha mendrika ilay izy, amin'izay fotoana izay dia ataovy izany. Raha tsy mendrika ilay izy, dia aza atao, tsy voatery ianareo. Fa ankehitriny raha olona iray eto ilay izy, ianareo—avelaonareo ny pasitera no hilaza hoe, “Ankehitriny, ny komitin’ny mpitantan-draharaha no niteny tamiko fa tsy nahafantatra an’ity olona ity izy ireo. Saingy mipetraka eto ilay lehilahy, milaza izy fa ny anarany dia Jim Jones,” na mety ho inona ilay izy, “ary mipetraka eto mihitsy izy. Hitsangana ve ianao, Atoa. Jones? Ankehitriny, Atoa. Jones, amin’ny fiafarany’ny fotoana, dia mijoroa ianao etsy amin’ny varavarana aoriana etsy mihitsy, rehefa mivoaka ianao. Ary ny olona rehetra raha nahatsapa tao am-ponareo, na ny zavatra rehetra izay tianareo hatao ho an’ity lehilahy ity, dia omeo azy izany rehefa mivoaka ianareo.” Azo ve izany, ankehitriny?

¹⁰⁷ Azonareo ao amin’ny anareo ve izany? Ho an’ireo izay eo amin’ny horonam-peo . . . Fa ny iray amin’ireo . . . Rahalahy Collins dia tsy nahazo an’izany tao amin’ny horonam-peony.

Tiako ny hanamafy an'izany fanononana izany indray raha . . . satria iray amin'ireo diakona izy.

¹⁰⁸ Raha—raha misy anankiray amin'ny, miditra ny lehilahy iray izay ianareo . . . ary ao amin'ny hamehana izy ka mila rakitra iray avy amin'ny fiangonana, dia aoka hivory miaraka ireo mpitantan-draharaha na diakona, ary aoka ny . . . hivory miaraka, ary handray an'izao fanapahan-kevitra izao, ka hiteny amin'ny pasitera avy eo fa ilay izy dia tokony hatao tahaka an'izao. Aoka izy ireo . . . Aoka ny pasitera hilaza fa "Ity lehilahy iray ity," miantsio azy amin'ny anarany, "tsy mahafantatra azy izahay. Ary ny fitsipitsika eto dia ny manadihady alohan'ny hanaovana rakitra ho an'ny olona, ary, izany dia, ho an'ny antsika manokana. Saingy ity lehilahy eto ity, milaza izy fa sahirana, tratry ny hamehana iray izy, manana zanaka marary izy, izy, miezaka ny hahazo fanafody ho an'ireo zanany," na mety ho inona ilay izy, ilay hamehana. "Ankehitriny, mitsangana eto mihitsy izy, Hitsangana ve ianao, tompoko?" Hitanareo, ary aoka izy hitsangana. Dia manaova hoe, "Ankehitriny mahita ianareo olona hoe inona . . . iza izy. Ankehitriny, amin'ny famaranana ny fotoana dia hijoro ery alohan'ny varavarana ery mihitsy ity lehilahy ity, ary ny olona izay mivoaka, izay mahatsapa fa tehanampy eo amin'izany, dia malalaka ianareo; milaza an'izany fotsiny ato amin'ny fiangonana izahay." Tsy hoe mankatò an'ilay izy ianareo, milaza an'ilay izy fotsiny ianareo. Hitanareo, izany no fandraisana tsara ho an'ny vahiny iray. Hitanareo? Azonareo ve ankehitriny? Eny àry.

¹⁰⁹ Heveriko fa milamina hatreo io fanontaniana io.

230. Ahoana ny amin'ireo horonam-peo? Ankehitriny. **Satria . . . Ahoana ny amin'ireo horonam-peo?** Misy teboka fanontaniana iray ilay izy. **Satria, maro no manoratra any amin'ny birao ka manome tsiny anao mikasika ny hetsika eo amin'ireo horonam-peo.** Izao koa, mikasika an'ireo hafa manodidina ny fiangonana izay mivarotra horonam-peo, nefá tokony handoa ny zòn'ny mpamorona eo amin'izy ireny Atoa. Maguire.

¹¹⁰ Eny àry. Ireo horonam-peo dia misy fifanekena. Ary raha izaho . . . Tsy fantattro marina loatra hoe rahoviana no mifarana ilay fifanekena, fa ireo mpitantan-draharaha, an'ireo mpitantan-draharaha ity; tsy an'ireo diakona, fa ireo mpitantan-draharaha; tsy ny pasitera, fa ireo mpitantan-draharaha. Ireo mpitantan-draharaha, matetitetika mihitsy, izy ireo—manoratra fifanekena iray izy ireo, araka ny fahazoako azy. Ary raha izany—diso izany, amin'izay fotoana izay dia ireo mpitantan-draharaha no hanitsy. Ireo mpitantan-draharaha ireo dia manana fifanarahana iray amin'ny olona izay manao an'ireo horonam-peo, ary ireo horonam-peo dia araka ny alàlana.

¹¹¹ Tsy misy olon-kafa mahazo manao horonam-peo raha tsy ilay olona izay manana ny alàlana no namela an'izany, ary tsy azo amidy izy ireo raha tsy avelan'ilay olona izay manana ny alàlana, satria izany no lalàna, hitanareo, hoe ilay alàlana no mihazona an'izany. Hitanareo? Ary raha ilay alàl...ilay anankiray izay mihazona ny alàlana no te-hamela an-dRanona-sy-ranona hanao horonam-peo, dia miankinda aminy izany. Raha te-hamela ny olona rehetra hanao horonam-peo izy, dia miankinda aminy izany; raha te-hamela ny olona rehetra hivarotra horonam-peo izy, dia miankinda amin'ilay olona izay mihazona ny alàlana izany. Izy dia tokony hanana ny-ny naoty kely voasoratra iray voasonian'ilay mpihazona ny alàlana, hanao sy hivarotra horonam-peo, satria madio amin'ny lalàna izy amin'izay fotoana izay. Satria izy raha tsy, ilay lehilahy, manana ny alàlana eo amin'izany... Ianareo dia ho voafatotra, ny tenanareo, eo amin'ny...(Raha nisy ny-ny olona ratsy fanahy anankiray izay te-hiteraka korontana, afaka hanao an'izany tokoa izy.) raha mandeha any ambonin'io alàlana io ianareo, satria mitovy amin'ny tsy azo adika iray mihitsy izany, hitanareo, zavatra mitovy. Tsy azonareo atao izany; sazy lehibe iray ny manao an'izany.

¹¹² Noho izany raha manao horonam-peo ny olona, dia angamba manana fifanarahana iray izy ireo avy tamin'Atoa. Maguire izay—izay manana...izay—izay mandray an'ireo zon'ny mpamorona eo amin'ireo horonam-peo. Ary ankehitriny... ary tsy mahafantatra mikasika an'izany aho, satria tsy miaraka matetika aminareo eto aho mba hahafantatra hoe iza izany zavatra izany, ary iza no ho tondroina amin'izany. Ataoko fa mbola manana an'ilay izy foana Atoa. Maguire, satria any ivelany any, any California aho na Arizona, izay misy ahy, dia azoko fa mbola mivarotra horonam-peo avy any California foana izy ireo. Rahalahy Sothmann, ilay rafozan-dahin'Atoa. Maguire, izay rahalahintsika ato amin'ny fiangonana. Heveriko fa mbola manana an'ilay izy foana Atoa. Maguire, ilay—ilay alàlana eo amin'izany.

¹¹³ Ary ankehitriny, efa nisy hatrany foana ireo fitarainana eo amin'ny fanaovana an'ireo horonam-peo. Ankehitriny, rehefa misy fitarainana iray eo amin'ny zavatra rehetra mikasika ny toe-bolan'ity fiangonana ity, dia andraikirry ny mpitantan-drahaharaha tanteraka ny mijery mba hazava izany zavatra izany. Hitanareo? Tsy tokony, na ahoana na ahoana, hisy na inona na inona.

Ankehitriny hitanareo eto, izao no voalaza eto amin'ity karatra eto ity, hoe:

Manoratra any amin'ny biraô izy ireo ka manome tsiny anao.

¹¹⁴ Am-pahatsorana, efa naharay taratasy betsaka eo amin'izany aho, ary te-hahafantatra hoe nahoana no tsy afaka mahazo ny horonam-peony izy ireo. Ankehitriny ianareo no mahafantatra ny fifanekenareo tamin'ilay anankiray izay manana ny alàlana, araka ny azoko...Ireo horonam-peo, izaho—tsy te-hanao na inona na inona amin'izy ireo aho, ny tenako, raha misy olona afaka hampiasa ny horonam-peo ho an'ny fampandrosoana ny Filazantsara dia, “Amena!”

¹¹⁵ Fa, voalohany, Rahalahy Roberson sy izy ireo no nanomboka nanao azy ireny, Rahalahy Beeler sy ny maro amin'izy ireo no nanomboka nanao azy ireny; ary avy eo dia ireo zazalahy anankiroa, Rahalahy Mercier sy Rahalahy Goad, no nanao azy ireny nandritry ny taona maro; ary, mazava ho azy, rehefa nanao azy ireny ny tsirairay avy tamin'ireo lehilahy, dia efa nisy ireo fitarainana mikasika ny tsirairay. Saingy, ilay izy eto araka ny hita tato ho ato, dia nisy fitarainana lehibe mikasika ny tsy fahazoana an'ireo horonam-peon'izy ireo. Niantso ahy ny olona manerana ny firenena. Ary misy iray hafa avy eo, dia, ireo horonam-peo efa niasa izay handefa zavatra anankiray iray minitra, ary hamerina eo ambonin'ny iray hafa, zavatra hafa iray, ka noho izany izy ireo dia tsy afaka mahazo akory aza hoe inona izy ireo.

¹¹⁶ Ankehitriny, ireo olona izay mandoa vola ho an'ireny horonam-peo ireny dia tokony hahazo horonam-peo tena izy iray. Tsy ahoako izay tsy maintsy hataon'izy ireo hahazoana an'izany, tiantsika ny hahita an'ireo mpividintsika sy rahalahintsika (fa izy ireo no mpividintsika sy rahalahintsika, sy ny sisa), tsy maintsy mahazo ny horonam-peo “A-nomerao-1” izy ireo. Ankehitriny, jereonareo mpitantan-draharaha izany, hoe afa-po ireo olona ireo. Raha tsy afa-po izy ireo, dia tsy maintsy averina amin'izy ireo avy hatrany ny volany.

¹¹⁷ Fa nisy olona iray niantso ahy, ka nilaza fa efa niandry an'ireo horonam-peo nandritry ny volana maro izy ireo. Ankehitriny, tsy fantatro hoe ahoana no ikarakaran-dRahalahy Maguire an'izany. Izaho—tsy mahafantatra ny mikasika an'izany aho, satria tsy mahafantatra na inona na inona mikasika an'izany. Ary izaho...Tsy iray amin'ireo raharahako mihitsy ny hahafantatra na inona na inona mikasika an'izany, raharahany miaraka amin'izy ireo sy ireo mpitantan-draharaha izany. Ary tsy miezaka ny hiditra ao amin'izany aho, fa miteny aminareo fotsiny hoe inona ny lalàna ny amin'izany. Hitanareo? Ny lalàna ny amin'izany dia hoe ireo horonam-peo ireo, manomboka amin'ny fotoana izay anafaran'izy ireo azy ireny, dia natao ho eo amin'ny lìlany ireo horonam-peo ireo ao anatin'ny iray andro, na telo, na efatra, na dimy andro; aorian'ny anafaran'izy ireo an'ireny horonam-peo ireny, dia tokony alefa amin'ny paositra izany fa raha tsy izany dia mety ho foanana amin'ny fotoana

rehetra ilay alàlana rehefa tsy ankatoavina ireo baiko ireo. Hitanareo?

¹¹⁸ Ankehitriny, ary isaky ny enim-bolana na taona iray, dia natao havaozina izany, natao havaozina io fifanarahana io. Natao hivory amin'io daty *iray* izay lazain'io alàlana io fa tokony hivorianareo ianareo. Ary ilay izy amin'izay fotoana izay dia natao ho, izany hoe, natao ho tonga amin'io fotoana io ireo olona hafa, ary ianareo dia natao hampilaza an'ireo hafa izay nanontany mikasika an'ireo horonam-peo, sy tonga miaraka amin'ny fifanarahany ary mipetraka ka miresaka ny amin'izany.

¹¹⁹ Ankehitriny, tsy maintsy tanterahina ireo baiko ireo! Hitanareo? Ary tsy maintsy tanterahina tsara izany, satria misy fitarainana ilay izy. Nitaraina mikasika an'i Leo sy Gene izy ireo, nitaraina mikasika ny tsirairay izy ireo, mitaraina mikasika an-dRahalahy Maguire izany, ary hitaraina mikasika olon-kafa iray, fa ndao jerentsika hoe inona ilay fitarainana.

¹²⁰ Ankehitriny, fa rehefa manomboka misavovona ireo horonam-peo, ireo boatiny, tonga ireo taratasy roa ambin'ny folo, ary izy ireo... Hitanareo, tsy mianjera any amin'ilay mpanao horonam-peo ilay izy, mianjera aty amiko izany. Mivazavaza ahy foana izy ireo mikasika an'izany. Ankehitriny, adidiko amin'ny maha-Kristiana iray ny mahita fa mahazo an'izay andoavany vola ny olona, ary tiako ianareo mpitantan-drahara ha hita fa azon'izy ireo izany. Raha tsy maintsy mandoa amboniny izy ireo, dia mividiana horonam-peo iray tsaratsara kokoa, mividiana milina iray tsaratsara kokoa, mila olona iray isika hanao an'izany horonam-peo izany izay manao azy tsara. Izany no mahaliana antsika. Tsy maintsy vita tsara ny horonam-peo! Ary tsy maintsy afa-po ny mpividy, raha tsy izany dia ajanòny tanteraka ilay fanaovana horonam-peo manontolo, tsy hanana horonam-peo intsony isika, avelao fotsiny ny olona izay te-hanao no hanao azy ireny. Fa raha hampandoa vola ho azy ireny izy ireo, dia aoka izy ireo hahita fa azony izay naloany vola, satria izany no Kristianisma. Izany dia tsy mihoatra ny manao...

¹²¹ Ary rehefa tonga eto izy ireo hihaino ny Filazantsara, dia tiako ny hanome azy ireo ny tsara indrindra izay fantattro hoe ahoana no hanomezana azy ireo, hitanareo, ary rehefa tonga eto izy ireo dia tiako ianareo hahita fa voatandrina ny olona rehetra sy ny zavatra rehetra. Izany no antony itenenako anareo diakona, mpitantan-drahara ha, ary pasitera, eto izao hariva izao, hoe tsy maintsy tanterahinareo ara-bakiteny ity, satria tonga eto ny olona mba hahita an'Andriamanitra, ka tsy maintsy manana an'ireo zavatra ireo ao amin'ny lamina isika.

¹²² Ary ireo horonam-peo koa dia tsy maintsy voapetraka eo amin'ny toerany. Raha tsy maintsy hampandoa amboniny izy ireo, raha horonam-peo kilasy faharoa no ananan'izy ireo ka

ampiasainy, amin'izay fotoana izay dia mividiana horonam-peo tsaratsara kokoa. Raha tsy maintsy hampandoa amboniny izy ireo ho an'izy ireny, hampandoa amboniny ho an'izy ireny, dia aoka ilay olona hahazo an'izay nasaina naloany.

¹²³ Tsy liana amin'ny iray amin'ireo zòn'ny mpamorona aho na kely aza, tsy iraimbilanja iray, ary tsy liana koa ny tabernakla; tsy tiako ho izany ianareo. Aza liana amin'izany, amin'ny—amin'ireo zòn'ny mpamorona. Raha handoa sasantsasany izy ireo, ataoko fa tokony handray zòn'ny mpamorona kely ianareo satria hoe eto ilay izy no atao. Heveriko fa izany no zavatra izay nolazain'izy ireo, Atoa. Miller, sy izy ireo, mikasika ny lalàna, hoe isika dia nanana, mandray zòn'ny mpamorona iray na ny sisa. Miankina aminareo rehetra ny mikarakara an'izany. Izaho tsy, tsy manana na inona na inona hatao amin'ny—amin'izay voapetraka miaraka; ianareo rehetra no misahana an'izany. Tsy afaka hisahana an'izany rehetra izany aho, miteny aminareo fotsiny ny fomba tokony haha-izy azy sy ny tsy maintsy hitondrana azy aho. Izany... Azonareo, fa hoy aho hoe “tsy maintsy hitondrana.” Noho izany dia tantsika izao ho entina tsara.

¹²⁴ Ary raha tsy maintsy hahazo milina iray tsaratsara kokoa izy ireo hanaovana an'izany, amin'izay fotoana izay dia mividiana milina iray tsaratsara kokoa. Ilay izy raha tsy maintsy ho... Ankehitriny, nilaza tamin'izy ireo aho, hoy aho hoe, “Ny tsirairay amin'ny fivo-... asa izay andehanako eny amin'ny saha, alohan'ny andehanako, dia hampilaza aminareo aho hoe inona no toriteny ho toriako any ivelany any, zavatra izay efa nananako...” Ary nampanantena anareo rehetra aho, fa ho raisiko indray izany amin'ny Alahady hariva, hoe “Alohan’ny itoriako hafatra vaovao iray, dia ho avy eto amin’ity tabernakla iray ity izany aloha, satria toa manao fandraisam-peo iray tsaratsara kokoa izy ireo.” Tsaroanareo ve izany? Noho izany dia tonga eto aho, mitory an'ireo hafatro, avy eo dia mandeha ka mampilaza amin'ilay lehilahy mpanao horonam-peo hoe inona ireo fotoana. Manontany ahy izy ireo hoe, “Inona amin'ireo? Inona no ho torianao?” Teneniko aminy hoe, “ity hariva ity dia hanao an’izao-sy-izao aho, ity hariva ity, izao-sy-izao,” mba ahafahan’izy ireo manao an'ilay izy voaomana tsara sy vonona ho an'ilay mpividy hahazo azy eto mihitsy; manana azy avy hatrany miaraka amin'izy ireo, horonam-peo iray tsaratsara kokoa noho izay ananan’izy ireo any amin’ny favoriana any, satria vita tsara ilay izy eto amin’ny tabernakla izay misy an'ireo hatsaram-peo tsara. Hitanareo?

¹²⁵ Ankehitriny, miditra ao amin'io evanjelistika lehibe io, izay hataoko ankehitriny any ampitan-dranomasina sy ny sisa, dia tsy afaka nampanantena an'izany aho, hitanareo, tsy afaka nampanantena aho fa hitory ny hafatro voalohany eto. Satria rehefa mitory teny manerana ianareo, ireo hafatra, dia tsy

maintsy manana zavatra iray izay... Lasa lany andro ilay izy aminareo, ary tena lasa lany andro tokoa ho an'ireo izay mihaino azy. Tsy maintsy manao zavatra hafa iray ianareo, hitanareo, ary mitondra fotsiny tahaka an'ilay Hafatra *tany*. Fa aoka izy ireo hametraka milina iray any amin'ny saha, na inona na inona ilay izy, izay handray an'ireo horonam-peo tanteraka tokoa.

¹²⁶ Ary manaova horonam-peo tanteraka iray, ka ny horonam-peo tsirairay dia aoka halefa ary amarinina alohan'ny andefasana azy, raha tsy izany dia ajanòny fotsiny ilay zavatra manontolo; aza manao na inona na inona akory aza, avelao ny olona tsirairay no hanao ny horonam-peony manokana. Hitanareo? Fa ataovy vita tsara ilay izy, hitanareo, mba hijanonan'izao fitarainana izao. Tsy mila fitarainana intsony mihitsy isika. Raha misy fitarainana iray, dia ndao isika hisahana an'izany, amin'izay fotoana izay dia faranantsika ilay izy.

¹²⁷ Ankehitriny, handeha haingana mihitsy arak'izay vitako aho. Manana eo amin'ny fanontaniana roa amboniny i Billy eto, na telo, avy eo dia hamarana isika.

231. Hatraiza, Rahalahy Branham, no ahazoana na tokony handehanan'ny diakona iray hihazonana ny lamina ao am-piangonana? Tokony hihazona ny lamina ve izahay sa hiandry an-dRahalahy Neville hiteny aminay izay tokony hataonay?

¹²⁸ Tsy asan-dRahalahy Neville izany, asanareeo izany. Hitanareo? Tsy miteny amin-dRahalahy Neville ianareeo hoe inona no ho toriana, ahoana no hitoriana azy. Hitanareo, asanareeo izany, ianareo diakona, natao ho izany ianareo. Ianareo no misahana azy. Tsinontsinona amin-dRahalahy Neville izany, asanareeo izany. Hitanareo?

¹²⁹ Ankehitriny, raha eto amin'ny lèlambe eto ny polisy iray ka mahita lehilahy iray mangalatra entana ao an-damosin'ny fiara iray, dia hiantso ny ben'ny tanàna ve izy ka hanao hoe, "Ankehitriny, ry Ben'ny tanàna, Manaja anao, tompoko, miasa ho anao aho eto ao amin'ity tafiky ny polisy ity; ankehitriny, mahita lehilahy iray aho eto an-dàlambe eto, izy dia—nangalatra kodiarana sasantsasany avy ao amin'ny fiara iray izy omaly hariva; ankehitriny, manontany fotsiny aho, inona no hevitrao ny amin'izany?" Hah! Hitanareo? Hitanareo, tsy hisy dikany mihitsy izany. Sa tsy izany? Tsia, tompoko. Raha nanao zavatra ratsy izy, dia sambory.

¹³⁰ Ary raha manao zavatra ratsy ato amin'ny fiangonana ny lehilahy iray, na olona iray, ajanòny izy ireo, resaho izy ireo. Aza miavonavona; fa raha tsy hihaino izy ireo, dia mitenena amin'ny fomba iray mba hahafantaran'izy ireo an'izay lazainareo. Hitanareo? Hitanareo, tahaka ny hitenenanareo ny ankizy iray, manao hoe, "Miverena ery aoriana ery," fa tsy

mitondra tena tsara izy. Ry diakona, mijanòna eo amin'ny toeranareo! Apetraho... Misy efatra ianareo eo, ny roa mijanòna eto aloha ary ny roa any aoriana, eo amin'ireo zoron-trano na any ho any tahaka an'izany. Ary araho maso tsara mihitsy, satria hiditra ireo jiolahimboto sy ny sisa hafa tahaka an'ity, hitanareo. Ary aoka ianareo ho eo am-piambenana, raiso ny toeran'andraikitrareo ka mijanòna eo, izany no sezanareo; na mijoroa mihitsy eo akaikin'ny rindrina ka araho maso ny olona rehetra izay miditra.

¹³¹ Ny diakona iray dia misahana ny tranon'Andriamanitra. Raha miditra ny olona iray, dia mitenena amin'izy ireo; aoka ho eo mba hiarahaba azy ireo, raiso ny tangan'izy ireo. Izany dia, ianareo no polisy, "Afaka manoro anao ny efitra fametrahan'akanjo ve izahay?" na "Te-hipetraka ve ianao?" "Afaka manolotra anao boky fihirana iray ve izahay na zavatra iray?" na "Ankehitriny tianay ianao hampifaly ny tenanao eto, sy—sy hivavaka, ary—ary faly izahay fa eto ianao miaraka aminay izao hariva izao." Tariho avy hatrany mankeo amin'ny toerana iray izy ireo, ka manaova hoe, "Ho tianao ve ny ho akaiky kokoa sa ho tianao ny ho eto aoriana eto?" na inona koa. Izany no fandraisana tsara.

¹³² Ny polisy iray (na ny diakona) dia polisy miaramila iray ho an'ny tafika, fanajana, saingy miaraka amin'ny fahefana kosa. Hitanareo? Fantatrareo hoe inona ny polisy miaramila iray, izany tokoa, raha manatanteraka ny zony izy, heveriko fa izy dia tahaka ny pretran'ny fonja iray fotsiny. Hitanareo? Fanajana iray izy sy ny sisa, saingy manana fahefana iray kosa izy. Hitanareo, tsy maintsy mankatò azy ianareo. Hitanareo, izy dia mametraka... Raha mivoaka eo ireo zazavao ka mamo, nahoana, apetrany amin'ny toerany izy ireo. Ary toy izany koa no tokony hametrahan'ny diakona azy ireo eo amin'ny toerany.

¹³³ Ankehitriny, tsarovy, polisy iray ny diakona, ary ny asan'ny diakona dia entitra lavitra tokoa nohon'ny ankamaroan'ny asa rehetra ao amin'ny fiangonana. Tsy mahafantatra asa iray entitra kokoa nohon'ny asan'ny diakona aho. Marina izany, satria izy dia manana ny—manana tena asa iray tokoa izy, ary lehilahin'Andriamanitra izy. Lehilahin'Andriamanitra mitovy amin'ny pasitera izay lehilahin'Andriamanitra izy. Izany tokoa, izany izy. Mpanompon'Andriamanitra izy.

¹³⁴ Ankehitriny ireo mpitantan-draharaha, zavatra tokana, eo ambanin'ny andraikitra avy amin'Andriamanitra izy ireo hanara-maso an'io toe-bola io ka hisahana an'izany, ireo zavatra izay miseho tahaka an'izany. Efa niteny taminareo mikasika an'ireo horonam-peo ireo aho, ary—ary mikasika an'ireo zavatra hafa izay miseho eto, mikasika ny tranobe sy ireo fanamboarana, sy ny fisahanana ny toe-bola sy ny sisa, izany no—izany no maha-mpitantan-draharaha azy ireo: ny fananana, toe-bola sy ny sisa. Tsy misy idiran'ny diakona amin'izany. Ary tsy misy koa—tsy

misy na inona na inona idiran'ny mpitantan-draharaha amin'ny asan'ireo diakona.

¹³⁵ Ankehitriny, raha te-hangataka ny fanampian'ireo mpitantan-draharaha ireo diakona eo amin'ny zavatra iray, na—na ireo mpitantan-draharaha amin'ny an'ireo diakona, ary miara-miasa ianareo rehetra... Fa izany no andraikitrareo, izay samy manana ny azy. Hitanareo? Eny àry.

¹³⁶ Ankehitriny, tsia, aza manontany an-dRahalahy Neville. Raha mangataka anareo hanao zavatra iray Rahalahy Neville, koa izany no—izany no pasiteranareo, miaraka amin'ny fanajana sy fitiavana sy ny sisa... Raha hoy izy hoe, “Rahalahy Collins, Rahalahy Hickerson, Rahalahy Tony, na olona iray, ho jerenareo ve izay tsy mety ery amin'ny zoron-trano ery?” Eo amin'ny toeran'andraikitra tahaka an'izany, fantatrareo, tahaka ny tena lehilahin'Andriamanitra iray.

¹³⁷ Tsarovy, tsy miasa ho an'ny Branham Tabernacle ianareo, tsy miasa ho an-dRahalahy Neville na ho ahy koa, miasa ho an'i Jesosy Kristy ianareo. Hitanareo? Ianareo... Izany no Izy izay ianareo... Ary Izy—Izy dia manaja ny fahatokianareo tahaka Azy manaja an'io pasitera io mihitsy na olon-kafa iray, manantena ny fahatokianareo Izy! Ary tiantsika ny haneho ny fahatokantsika.

¹³⁸ Ankehitriny, indraindray dia lasa sarotra ilay izy. Sarotra ho ahy ny mahita mpitoriteny iray mipetraka eo izay tiako amin'ny foko rehetra, ka tsy maintsy tena hiteny azy mihitsy; hitanareo, saingy amin'ny fanao am-pitiavana iray, dia manana tånama iray aho hanampy azy. Saingy, hitanareo, ary manatona ahy izy ireo ka manao hoe, “Rahalahy Branham, olona iray mahafinaritra mihitsy ianao, nahoana ianao no tsy manao marimaritra iraisana kely fotsiny eo amin'io batisa io, sy eo amin'ity, itsy, ary ny hafa, sy io fiarovana io, ary ilay taranaky ny menarana?”

¹³⁹ Hoy aho hoe, “Rahalahy, tiako ianao, saingy ankehitriny dia ndao isika hi...haka ny Soratra fotsiny ka hahita hoe iza no marina na diso.” Hitanareo, izaho dia tsy maintsy ho afaka ny...

¹⁴⁰ “Oh, ankehitriny, Rahalahy Branham, lazaiko anao, diso tanteraka ianao.” Hitanareo, misendaotra izy.

¹⁴¹ “Oh,” hoy aho, “eny, angamba diso aho. Noho izany, raha diso aho, azo antoka (ary ianareo no miteny amiko, ianareo dia...ianareo no mahafantatra hoe aiza aho no diso), noho izany asehoy ahy hoe aiza aho no diso.” Dia hanaiky handray aho, hitanareo.

¹⁴² Zavatra mitovy, “Hey, tsy manan-draharaha hiteny an'io ankizy io hipetraka ianao.” Ankehitriny, ny diakona no—no mpiambina ao amin'ny tranon'Andriamanitra. Hitanareo? Ankehitriny ianareo raha... Izy no mikarakara ny tranon'Andriamanitra ary mihazona azy ao amin'ny lamina.

Izany no lazain’ny Soratra, ary raha mahafantatra zavatra hafa iray izay tokony hataon’ny diakona iray ianareo, dia tongava miteny amiko. Hitanareo, izany ilay zavatra iray ihany eto, saingy izany—izany no andraikitrareo amin’ny fanaovana an’ilay izy, hia, tsindrio mafy mihitsy.

¹⁴³ Ary tsy tokony hanontany an’iza na iza ianareo, izany no—andraikitrareo fotsiny izany. Tsy manontany an’iza na iza Rahalahy Neville, ny fiangonana tsy voatery hanontany... Ny tiako ho lazaina dia, ireo—ireo—ireo mpitantan-draharaha dia tsy voatery handeha hanontany an-dRahalahy Neville raha—raha tiany ny hametrahana an’ilay tafo eo amin’ny tabernakla. Hitanareo? Tsia, tsia, tsinontsinona izany ho an-dRahalahy Neville, tsinontsinona amiko, ho anareo izany. Ny diakona dia tsy voatery ny...

¹⁴⁴ Mitovy amin’izany ho an’ny pasitera. “Eo amin’ny inona no hotorianao? Tsy tiako ianao hanao an’ity.” Tsy manan-draharaha hilaza an’izany izy ireo, eo ambanin’Andriamanitra izy, hitanareo, ny pasiterany. Ary noho izany raha—raha—raha... Rahalahy Neville, mitory ny hafatra izay nomen’ny Tompo ho antsika izy, ary miaraka ao anatin’izany isika rehetra. Ary raha miteny zavatra iray diso Rahalahy Neville, dia Andriamanitra no mihazona ahy ho tompon’andraikitra amin’izany. Marina izany. Hitanareo? Noho izany dia Andriamanitra no Mpampiasa amin’izany rehetra izany. Hitanareo? Fa miasa fotsiny isika amin’ny maha-Ambasadaorony, hitanareo, ao amin’ireo asa ireo eto.

232. Azafady a-...

Fanontaniana manaraka, ary avy eo dia heveriko fa manana iray amboniny isika, ary avy eo isika—hijanona isika.

Azafady azavao fotsiny hoe ahoana no tokony iasan’ireo fanomezam-pahasoavan’ny fiteny tsy fantatra ao amin’ny fiangonantsika. Efa nataoko izany. **Rahoviana no afaka apetraka ao amin’ny lamina ny fiangonana tahaka...na aiza no tokony hiasan’ireo fanomezam-pahasoavana?** Vao avy nohazavantsika izany.

233. Firy fotsiny ny k-r-i-s-m-a...Azonao jerena ve hoe inona ity? [Hoy Rahalahy Billy Paul hoe, “**Zava-maneno.**”—Mpand.] Oh. **Zava-maneno. Firy ny zava-maneno tokony hananantsika ao am-piangonana ankoatry ny orga sy piano?**

¹⁴⁵ Eny, izany dia miankina amin’ny hoe raha manana mpitendry fitaovana misy tadiny ianareo na inona na inona anananareo, hitanareo. Tsy fantatro izay anananareo, izay tian’ity ho lazaina, tsy azoko ilay izy. Saingy ny orga sy ny piano no fananan’ny fiangonana. Ankehitriny, raha nanapa-kevitra ny hanana trompetra ary mozika sy ny sisa tahaka an’izany ilay mpitarika hira, ary misy olona miditra ao amin’ny fiangonana ka

mitendry an'ireo zava-maneno ireo... Ary ao amin'ny mpitendry izy ireo, ary—ary amin'izay fotoana izay, mazava ho azy, amin'izay fotoana izay dia an'ireo mpitantan-draharahanareo izany, ny mikarakara an'izany miaraka amin'ireo mpitantan-draharaha sy mijery raha manana vola hividianana an'ireo fitaovany sy ny sisa izy ireo, na inona na inona tahaka an'izany. Ataoko fa izany ilay fanontanian'izy ireo.

¹⁴⁶ Fa raha manana ny zava-manenony manokana izy ireo, dia mahafinaritra. Raha tsy manana ny zava-manenony manokana izy ireo, ka mambra iray an'ny mpitendry eto, fa tsy olona iray izay miditra eto fotsiny ka mitendry indray mandeha vetivety, ary mivoaka tahaka an'izany, ilay izy dia tsy maintsy mpitendry iray ao amin'ny fiangonana. Ny fiangonana dia tsy hividy ny—ny—ny trompetra iray ho an'ny olona iray izay mitendry azy eto ary rahampitso hariva dia any an-kafa any ho any, sy any an-kafa any ho any, ary miditra indray mandeha vetivety dia mitendry kely fotsiny. Tsia, tompoko. Tsy maintsy mpitendry iray eto mihitsy ilay izy, mpitendry voalamina miaraka amin'ny—ny mpitarika, ary amin'izay fotoana izay ny fiangonana, miresaha amin'izy ireo mikasika ny fividianana zava-maneno.

234. Azafady azavao fotsiny hoe ahoana izahay...ahoana no ahafahanay diakona hihazona ny olona mihitsy ao amin'ny toera-masina aloha na aoriana...Azafady azavao. [Mamaky an'ilay fanontaniana Rahalahy Billy Paul hoe, “**Ahoana no hihazonan’ny diakona ny olona hipetraka tsara ao amin’ny toera-masina aloha sy aorian’ny fiangonana?”**—Mpand.] Oh, eny àry.

¹⁴⁷ Hanolo-kevitra an'izao aho, rahalahy. Ankehitriny, misy zavatra lehibe iray ity. Antenaiko fa hanana fotoana betsaka isika hifantohana amin'ity, satria izany dia—izany dia...izany—midika zavatra iray ho antsika izany, hitanareo. Ankehitriny, ny fiangonana dia tsy ny... .

¹⁴⁸ Raha tianareo ny... Raha tianareo ny haka an'ity horonam-peo ity indray hariva ka handefa azy alohan'ireo favoriana, mba hahazoan'ny olona azy, dia aoka halefa izany; ity ampanahany horonam-peo ity fotsiny fa tsy mihoatra, ity fotsiny. Ny ampanahany rehetra izay tianareo halefa ho an'ny zavatra iray, dia ampandrosoy fotsiny ilay izy mandra-pahitanareo azy, ary avy eo dia alefaso ilay izy. Hitanareo, satria izany ilay fanontaniana.

¹⁴⁹ Ankehitriny, ireo diakon'ny fiangonana, ary araka ny—araka ny nolazaiko, dia polisin'ny fiangonana. Fa ny fiangonana dia tsy tronom-pihaonana iray amin'ny ankapobeny ho—ho an'ny fiombonana sy fisakaizana ary sangisangy. Toera-masina iray an'Andriamanitra ny fiangonana! Tonga eto isika... Ankehitriny, raha te-hifampihaona isika, dia avelao

aho ho tonga any an-tranonareo, ianareo tongava any an-tranoko, na mandehana ianareo mankany an-tranon'ny hafa dia mifampihaonà. Fa ny hisangisangy fotsiny manerana ny fiangonana, ary miresaka sy ny zavatra tahaka an'izany, dia tsy tsara, rahalahy; tonga eto isika, manala ny zavatra manontolo ao amin'ny saintsika. Raha ho tonga eto isika . . .

¹⁵⁰ Jereo ilay fomba nanaovantsika azy taloha taona maro lasa izay. Ranabavy Gertie no mpitendry ny piano. Rehefa nitandrina teto aho, izaho—izaho no tsy maintsy pasitera, diakona, mpitantan-draharaha, ny zavatra hafa rehetra indray miaraka, hitanareo, saingy izaho—tsy maintsy nanao an'izany aho. Ankehitriny dia tsy voatery ho tahaka an'izany no hanaovanareo azy, hitanareo, satria manana lehilahy hanatanteraka an'izany ianareo. Fa rehefa ny . . . Nanana mpampiditra olona aho, Rahalahy Seward sy izy rehetra teo amin'ny varavarana. Nanana boky nivangongo izy ireo nanodidina teo amin'ilay varavarana, nipetraka teo amin'ny sezana iray, na zavatra iray, hafa. Ary rehefa niditra ny olona iray, dia nasehonareo azy ireo ny toerana iray hanantonana ny palitaonareo na nanampy azy ireo hankeo amin'ny sezany, nanome boky fihirana iray ho azy ireo ary nangataka azy ireo mba "ho ao amin'ny vavaka." Ary nipetraka teo amin'ny sezany ny olona rehetra ka nivavaka am-pahanginana mandra-panomboky ny fotoana. Hitanareo? Ary avy eo tamin'ny fanombohan'ny fotoana, Ranabavy Gertie, ilay mpitendry piano, dia nitsangana teo ka nanomboka an'ilay feon-kira talohan'ny . . . rehefa ireo olona no—no tonga niaraka.

¹⁵¹ Hanolo-kevitra aho mba hiakaran'ny mpitendry orga anareo eto miaraka amin'ny feon-kira tena tsara iray. Raha tsy afaka ny ho eto izy, dia ataovy ao anaty horonam-peo izany ary avy eo dia alefaso ilay izy, na zavatra hafa iray. Ary manana feon-kira, tena feon-kira masina moramora alefa. Noho izany . . . Ary angataho ny olona . . . Ary raha misy olona manomboka miresaka sy manao hadalana tahaka an'izany, dia aoka hitsangana eo amin'ny fanamafisam-peo eto amin'ny latabatra ny iray amin'ireo diakona ka hanao hoe, "sh, sh, sh," tahaka an'izany. Manaova hoe, "Eto amin'ny tabernakla eto, izahay—tianay ianareo ho tonga mba hivavaka. Aoka isika tsy hanao tabataba ankehitriny, henoy ny feon-kira. Raiso ny sezanareo, mipetraha, aoka hanaja hitanareo, mivavaha na vakio ny Baiboly. Ity, ato amin'ny toera-masina ato, no itoeran'ny Tompo. Ary tianay ny olona rehetra ho tena manaja sy mivavaka, fa tsy handehandeha manerana, miresaka mialohan'ireo fotoana. Vorio ny tenanareo, ary tonga eto ianareo mba hiresaka amin'ny Tompo. Hitanareo? Na ianareo ao amin'ny vavaka mangina, hitanareo, na vakio ny Baibolinareo."

¹⁵² Rehefa niditra tao amin'ny fiangonana Marble aho teto tany amin'ny . . . Norman Vincent Peale, efa nandre ny aminy ianareo, hitanareo. Ary niditra aho . . . Mpahalala momba ny

saina malaza iray, mpampianatra, fantatrareo. Ary niditra tao amin'ny fiangonany aho, nieritreritra fotsiny aho, tany hoe, "Maniry aho ny hanaovan'ny tabernaklako an'izao indray." Nitsangana teo amin'ny varavarana mihitsy ireo diakona vantany vao miditra mihitsy ianareo. Izy ireo, mazava ho azy, manolotra tapa-taratasin-tsekoly Alahady iray izy ireo, mitondra anareo eo avy hatrany. Tsy maintsy nanafoana an'izany intelo izy, fantatrareo, efatra na dimanjato fotsiny ihany no hazonin'ilay izy, fantatrareo; ary New York dia tanàna goavana iray, ary lehilahy malaza iray izy. Ary heveriko fa tsy maintsy nanana kilasy anankiray izy ireo tamin'ny folo ary anankiray tamin'ny iraika ambin'ny folo, toriteny iray ihany mihitsy no miverina, fotoana mitovy tanteraka, ilay ravin-taratasy iray ihany. Fa rehefa nirava izy ireo, ary izy ireo dia nanana (mino aho) dimy minitra mba hahatonga an'ilay fiangonana tanteraka... Tsy nisy olon-kafa nahazo niditra mandra-pivoakan'izy ireo, avy dia ireo diakona no nanokatra ny lèlana ary ilay hafa no nameno ny fiangonana. Nanana an'ireo sezaz hozo tranainy izy ireo, fantatrareo, tahaka an'izany no idiran'izy ireo, ary nipetraka teo amin'ireo dabilio izay ianareo no mamoha ny varavarana. Fanao fahiny, efa nijoro teo izany nandritry—nandritry ny teo amin'ny roanjato taona teo, heveriko, izany ilay fiangonana Marble tranainy.

¹⁵³ Ary afaka nandre paingotra iray latsaka ianareo na taiza na taiza tao amin'io fiangonana io, ary ny olona rehetra dia tao amin'ny vavaka nandritry ny telopolo minitra farafahakeliny alohan'ny hanaovan'ilay orga ny naoty voalohany, ilay fampidirana. Hitanareo? Fa tao amin'ny vavaka fotsiny ny olona rehetra. Nieritreritra aho hoe, "Mahafinaritra toy ny ahoana ilay izy!" Noho izany rehefa ilay mpitoriteny... Io fampidirana io, teo amin'ny... heveriko fa nitendry fampidirana iray izy ireo nandritry ny teo amin'ny telo ka hatramin'ny dimy minitra teo, *Fa Lehibe Ianao*, na zavatra tahaka an'izany, eo amin'ny tahaka an'izany. Ary amin'izay fotoana izay rehefa nitendry izy ireo, dia nijanona tsy nivavaka ny olona rehetra, nihaino an'ilay fampidirana. Hitanareo, nanome fanovàna iray izany, avy amin'ny vavaka nankany amin'ny fampidirana. Ary avy eo rehefa nitendry an'izany izy ireo, tamin'izay fotoana izay dia nitarika ny antoko mpihira ilay mpitarika ny antoko mpihira. Avy eo dia nanana hiram-piangonana iray izy ireo *sy* ilay antoko mpihira. Ary noho izany dia vonona izy ireo ho an'ny kilasin'ny sekoly Alahadiny. Hitanareo? Ary avy eo—ary avy eo rehefa nifarana ilay izy, dia tsy nisy na inona na inona nandeha afa-tsy fanompoana Masina, hatramin'ny farany, ary ho an'izany no nahatongavanay teo.

¹⁵⁴ Ary heveriko fa ho zavatra tsara iray raha ny fiangonantsika... Ary milaza an'izao fotsiny aho, isika, dia efa, hanao an'izany isika. Hitanareo? Ndao hataontsika izany.

Raha manao zavatra iray ny olona anankiray, ka milaza, hoe, "Heveriko fa ho zavatra tsara iray izany." Raha zavatra tsara iray izany, amin'izay fotoana izay dia ndao hataontsika ilay izy. Hitanareo? Tsy tstantsika ny hanemotra ny zavatra tsara rehetra, hataontsika izany, na ahoana na ahoana. Hitanareo? Ary mandrosoa fotsiny ka—ka mitsangàna eo ary—ary raha manomboka izy ireo ny maraina iray, na zavatra tahaka an'izany, mifamangy ny olona, dia aoka fotsiny ny olona iray, na ny anankiray amin'ireo—anankiray amin'ireo diakona, na olona iray handeha eo ka hanao hoe, "Efa nisy fitsipika iray vita ato amin'ny tabernakla ato . . ."

¹⁵⁵ Tsy fantatro raha manao an'izany izy ireo, mety manao izy ireo—mety. Tsy eto mihitsy aho, hitanareo, tsy fantattro. Tsy eto mihitsy aho alohan'ireo fotoana.

¹⁵⁶ Ary rehefa miditra izy ireo ka manomboka miresaka, dia aoka hitsangana eo ny olona iray ka hanao hoe, "Sh, sh, sh, vetivety fotsiny." Hitanareo? Aoka ny—aoka ny . . . Antsoy ny anabavy kely iray, asaivo miakatra eo izy ary asaivo mitendry an'io feon-kira io. Raha tsy manana ianareo, dia ataovy ao amin'ny horonam-peo izany ary alefaso eo ilay izy, hitanareo, an'ny feon-kiran'ny orga. Ary manaova hoe, "Ankehitriny isika dia . . . Misy fitsipika vaovao ato amin'ny tabernakla. Rehefa miditra eto ny olona, dia tsy tokony hibitsibitsika isika, hiresaka, fa hivavaka. Hitanareo? Ankehitriny, minitra vitsy fotsiny dia hanomboka ny fotoana. Mandra-pahatongan'izany, dia na vakio fotsiny ny Baibolinareo na aondreho ny lohanareo ka mivavaha am-pahanginana." Ary fotoana vitsy tahaka an'izany, dia hianatra izy ireo. Hitanareo? Hitanareo?

¹⁵⁷ Mandre olona miresaka ianareo, avy eo dia miha-mihena ilay izy mandrity ny, afaka fotoana vitsy tahaka an'izany, afaka kelikely dia ho tonga eo amin'ny toerana iray ianareo izay hisian'ny olona iray, atao hoe, mahita olona iray miresaka ianareo, nefo tsy misy hafa miresaka, hitanareo, eny, amin'izay fotoana izay dia manatona ny iray amin'ireo diakona ka manao hoe, "Izahay—tianay ianareo hivavaka mandrity ny oran'ny fotoana." Hitanareo? Hitanareo? Hitanareo, tsy trano iray ho an'ny firesahana izany, trano iray ho an'ny fivavahana izany. Azonareo ve?

Heveriko fa izay ilay izy. **Azafady azavao . . .** Hia. Ndao jerentsika. Hia. **Azafady azavao hoe ahoana no . . . ireo diakona tokony . . .** ao amin'ny toera-masina. Hia, izay ihany. Marina izany. Izay ilay izy.

Eny ary, ankehitriny, ity no iray farany.

235. Rahalahy Branham, rehefa nanana fanararaotra izahay mikasika ny fanombohan'ny fotoana . . . Izaho dia—izaho dia . . . ireo fita- . . . Tsia, . . . nahazo fitarainana izahay . . .

Tena kely no nanoratana an'ilay izy. Ary ny "**nahazo fitarainana**," sa tsy izany? [Hoy Rahalahy Billy Paul hoe, "Ah-hah," sady manohy manampy an-dRahalahy Branham mamaky an'ilay soratra madinika—Mpand.]

...nahazo fitarainana tao amin'ny fanombohan'ny fotoana. Izahay dia manana... Ndao jerentsika. Izahay—izahay—izahay dia manana hira, fijoroana vavolombelona, sy vavaka, ary fangataham-bavaka, fihirana manokana, ary a-n... angamba hanao azy... hiditra ao amin'ny hafatra amin'ny iraika ambin'ny folo, mba... na aoriania, saingy tsy manana fotoana be loatra ho an'ny Teny. Ny sasany amin'ireo olona dia tsy mahajanona ka tsy maintsy miainga alohan'izany, izany dia, dia... alohan'ny—alohan'ny hifaranany. Izany dia... Azafady azavao hoe firy ny hira, ary amin'ny firy no hanombohana ny hafatra. Ary ny sasany—indraindray izahay dia manana vavaka—fangataham-bavaka ka mifarana amin'ny fivoran'ny fijoroana vavolombelona izany, ireo zavatra sasany izay—izay tsy tokony... toa tsy mety amin'ilay fotoana.

¹⁵⁸ Ankehitriny, manantena aho fa azoko izany. Miezaka ny manampy ahy i Billy eto. Eo amin'ny horonam-peo, ianareo dia sendra... misy olona iray ao amin'ny fivoriana, ao amin'ny fotoana, mihaino hoe inona izany, dia i Billy no miezaka manampy ahy mamaky an'izany satria ilay izy dia voasoratra tena, tena madinika, ka tsy afaka nahatafavoaka an'ilay izy aho. Azoko ilay hevitra ankapobeny, izany dia, hoe, "Firy ireo hira izay tokony ho hirainay alohan'ny hanombahan'ny fotoana, ary amin'ny firy no tokony hanomboka ny fotoana?"

¹⁵⁹ Ankehitriny, ny zavatra voalohany izay tiako hatao eto dia fiaikena iray. Ary rehefa diso aho, dia tiako ny hanaiky hoe "Diso aho." Hitanareo? Ary izaho—ary izaho—hanao fiaikena iray aho eto hoe "Izaho no karazan'ny mpitarika an'izany." Satria izaho no mihazona an'ireo fotoana lava sy ny sisa, izany no nampiditra ny fiangonana tao amin'io fahazarana io, hitanareo, amin'ny fanaovana an'ilay izy, saingy tsy tokony ho izany ilay izy. Ary ankehitriny, tsarovy, izaho dia manana... izaho dia... Efa niteny taminareo rehetra hoe, "Alahady hariva, raha sitraký ny Tompo, amin'ny Alahady hariva, fa, hiezaka aho ny hitsinjara an'ireo fotoako manomboka izao, raha tsy maintsy hijanona herinandro iray amboniny aho, ho eo amin'ny telopolo na efapolo minitra fara-fahelany ho an'ireo fotoako."

¹⁶⁰ Satria izao no hitako, fa amin'ny fotoana iray izay... Voaomana tsara ilay izy, ary nomena tamin'ny hery ny hafatra; raha mandeha lavitra loatra ianareo, dia handreraka ny olona ka tsy azon'izy ireo ilay izy. Ny antony nanomezako... Fantatro daholo izany. Hitanareo? Ny mpikabary mahomby indrindra dia ireo izay nanana tanteraka tokoa... Jesosy dia Lehilahy iray vitsy teny, diniho ireo Toriteniny. Diniho ireo toritenin'i

Paoly. Tamin'ny Andron'ny Pentekosta, nila dimy ambin'ny folo minitra angamba ho azy, ary izy dia namoaka an'ilay... tany, zavatra iray izay—izay—izay nandefa fanahy telo arivo tao amin'ny Fanjakan'Andriamanitra. Hitanareo, nanitsy avy hatrany tamin'ilay tanjona fotsiny. Hitanareo?

¹⁶¹ Ary izaho—izaho no meloka. Satria, ny antony nanaovako an'izany, tsy hoe satria tsy nahafantatra hafa aho, fa manao horonam-peo aho, hitanareo, ary ireo horonam-peo ireo dia halefa ao amin'ireo trano mandritry ny ora sy ora ary ora. Fa araka ny ho hitanareo, amin'ny Alahady ho avy izao, ny antony izay nanaovako an'izany, amin'ny Alahady ho avy izao, ny antony nanaovako an'ireo zavatra ireo... mety hiteny an'ilay izy aho izao ankehitriny izao eo amin'ny horonam-peo. Ny antony izay nanaovako an'izany dia nohon'ny vesatra mankadiry eo amiko ho an'ny Hafatr'ity ora ity, mba hamoaka Azy. Ankehitriny mivoaka ny Hafatra, ankehitriny dia haka telopolo minitra aho na zavatra tahaka an'izany, aorian'ny voalohan'ny taona, ao amin'ireo fivoriako any amin'ny... na aiza na aiza alehako, ary hiezaka ka hanamboatra mihitsy ny famantaranandroko aza ho telopolo minitra, ary tsy hohoatra ny efapolo fara-fahabetsany; hamoaka an'ilay Hafatra, ary hanao antso eny amin'ny alitara raha izaho... na inona na inona no hataoko, na hiantso laharam-bavaka iray; ary tsy haka an'io fotoana betsaka io, satria tena mandreraka ny olona ianareo. Fantattro izany.

¹⁶² Fa jereo eto. Ataoko, fa nandritry ny taona, dia tsy nanana olona roa ambin'ny folo isika nitsangana ka nivoaka, nefä matetika aho dia mihazona azy ireo eto mandritry ny ora roa na telo. Hitanareo? Marina izany. Satria izany no fanaovana an'ireo horonam-peo ireo izay handeha manerana an'izao tontolo izao, hitanareo. Ary ireo olona any ivelany any, hipetraka mandritry ny ora maro izy ireo ka hihaino an'Izany; ireo mpitoriteny, sy ny sisa, Alemaina, Soisa, Afrika, Azia, ary hatraiza hatraiza, hitanareo, hihaino an'Izany.

¹⁶³ Fa, hitanareo, ho an'ny toera-masina, ho an'ny fiangonana... Ary mety tsara izany. Raha manao horonam-peo iray ianareo eto, ka manana horonam-peo iray adiny roa, dia hafatra iray adiny roa atao ao anatiny; fa raha tsy manao horonam-peo iray ho an'ny zavatra tahaka an'izany ianareo, amin'izay fotoana izay dia afohezo ny hafatsika, hitanareo, anapaho ny hafatsika. Lazaike aminareo hoe nahoana, misy sasany izay mora voky, ny sasany ela vao voky, hitanareo, tahaka an'izany, ary tsy maintsy ho mpanelanelana tsara iray eo anelanelan'izany ianareo.

¹⁶⁴ Ary ankehitriny, matetika isika dia manimba ny fotoantsika amin'ny fivoran'ny fijoroana vavolombelona mitaritarika ela be, izay fantattro fa izaho no meloka amin'izany. Ary ianareo dia lasa tahaka ny fony nanao fivoriana an-dàlambe fahiny, ka

mamela rahalahy antitra iray mitsangana eo, ary hitsangana izy... Ary raha mangataka azy mba hanolotra tonom-bavaka iray, dia hivavaka ho an'ny ben'ny tanàna izy, sy ho an'ny governoran'ny fanjakana, sy ho an'ny Filohan'ny Firaaisana, ary—ary ny olona rehetra tahaka an'izany, sy ny pasitera rehetra manodidina, fantatrareo, ny tsirairay avy isanisany, sy Ranabavy Jones izay any amin'ny hopitaly, sy ireo zavatra tahaka an'izany; ary ireo olona izay mitsangana, mandalo eo amin'ilay fivoriana an-dàlambe, izy ireo fotsiny, dia manohy—manohy mandeha fotsiny. Hitanareo? Mandreraka azy ireo fotsiny izy. Isika fotsiny dia, na izany aza...

¹⁶⁵ Hitanareo, ilay zavatra lehibe ankehitriny, tokony hatao ao amin'ny mafina ny vavakareo, ny vavakareo lehibe, lava. Mivavaha mandritry... Midira ao amin'ny efitra kely mafina iray, akatony ny varavarana. Ao ianareo raha te-hivavaka mandritry ny andro manontolo, alina manontolo, na ora roa, mivavaha ao. Fa ato, izay anananareo ny fifantohan'ny olona, dia ataovy fohy ny vavakareo, haingana, eo amin'ilay izy. Ataovy ny fotoanareo rehetra... Ary ataovy ao amin'ity Teny ity ny betsaka indrindra amin'ny fotoam-pivorianareo. Izany no zavatra lehibe! Avohay haingana mihitsy arak'izay vitanareo ity Teny ity, hitanareo, omeo ny olona ny Teny.

¹⁶⁶ Ankehitriny, ity no toro-hevitro. Ankehitriny, ankehitriny tsarovy, efa niaiky aho fa izaho no diso tamin'ny fitarihana an'izany. Fa avy eo aho dia niteny taminareo hoe nahoana aho no nitarika an'ilay izy, manao horonam-peo adiny roa aho mba halefa any am-pitan-dranomasina sy hatraiza hatraiza, an'ny Hafatra, hitanareo. Fa tsy tokony haka modely an'izany ny fiangonana (ny hafatra eto amin'ny tabernakla) arak'ireo horonam-peo ireo (adiny roa) handeha any amin'ireo toerana, hitanareo, ary handeha tahaka an'izany.

¹⁶⁷ Ankehitriny, ity ny laminareo... Mamelà ahy hanome ohatra iray ho anareo fotsiny. Ho tena tsara ve izany, toro-hevitra iray? Hilaza aho fa ny fiangonana dia tokony hanao ny varavarany hisokatra amin'ny ora anankiray, aoka ny fiangonana hiditra, aoka handeha ireo hira. Ary aoka ny olona rehetra hiditra hivavaka, fa tsy hifamangy. Ary aza avela hifamangy izy ireo avy eo, teneno aminy mba "Hirava sy hivoaka, fa tsy hifamangy. Raha te-hifamangy ianareo, dia misy feno ao ivelany. Fa ity no toera-masina, aoka ho hazonina hadio ity." Ankehitriny, raha ny Fanahin'ny Tompo no mihetsika eto, dia ndao isika hihazona azy ho Fanahin'ny Tompo. Hitanareo? Ary—ary hitohy hihetsika Izany. Raha tsy manao ianareo, dia mariho fotsiny ireo teniko, hianjera izany; azo antoka fa hianjera izany. Fa ndao isika hihazona an'izany, izany no andraikitsika, izany no maha-eto ahy izao hariva izao. Hazony mahitsy fotsiny izany zavatra izany miaraka amin'ireo—miaraka amin'ireo lamina.

¹⁶⁸ Ankehitriny jereo, hilaza an'izao aho. Amin'ny mahazatra, raha tsy hoe ianareo no hamoaka manokana...ka miteny amin'izy ireo fa hanao horonam-peo ny hafatra iray ianareo. Hitanareo? Ankehitriny, raha manana hafatra iray Rahalahy Neville eto izay handeha...manana hafatra iray izy izay tiany homena ny olona, hivoaka eo amin'ny horonam-peo, na zavatra iray, dia manaova hoe, "Ankehitriny, amin'ny Alahady hariva manaraka dia hanao horonam-peo adiny roa isika," horonam-peo adiny telo, na inona—na inona koa. "Hanome horonam-peo adiny roa na telo isika," na mety ho inona ilay izy, "amin'ny Alahady hariva manaraka." Ary amin'izay fotoana izay dia mahafantatra ny olona. Ary amin'izay fotoana izay rehefa miditra izy ireo, dia manaova hoe, "Ankehitriny, dia hanao horonam-peo ny hafatra iray isika izao hariva izao. Ary manana hafatra iray aho eto ka izany dia ny anankiray izay tiako hatao horonam-peo ary havoaka. Izaho efa...mahatsapa ho voatarika hamoaka an'ity hafatra ity aho. Ary izany dia hatao horonam-peo, mety ho adiny roa izany, adiny telo, na inona na inona ilay izy." Lazao izany.

¹⁶⁹ Fa, amin'ny mahazatra, tahaka ny ataocho mihitsy rehefa mandeha any amin'ny toerana iray aho tahaka ny iray amin'ireo fivoran'ny Business Men, na any ivelany any amin'ireo fivoriako any aho ho an'ny laharam-bavaka iray. Raha nitsangana tany aho ka nanome hafatra iray adiny telo ho an'ny hariva iray alohan'ny hananana an'ilay asam-panasitranana, dia hitanareo ve izay ametrahan'izany ahy? Hitanareo? Nahoana, ireo olona, ny hariva manaraka dia ny antsasak'izay naha-izy azy sisa ny fiangonanareo no eo. Hitanareo? Satria tsy vitan'izy ireo fotsiny izany, tsy maintsy handeha hiasa sy ny sisa izy ireo.

¹⁷⁰ Hanolo-kevitra an'izao aho, fa amin'ny mahazatra... Ankehitriny, nandinika an-dRahalahy Neville aho omaly hariva rehefa nitory teny izy. Ankehitriny, fantatro fa isika rehetra dia mahafantatra hoe hafatra iray mahataitra izany. Nandray naoty azy aho, manana azy ato am-paosiko ato, mba hampiasa an'ilay izy ao amin'ireo hafatra hafa an'ny ahy manokana. Marina izany. *Ny Fomba Fandosirana*, hitanareo, ary hafatra mahafinaritra iray izany. Hitanareo ve hoe haingana toy ny ahoana no namitany an'izany? Hitanareo, teo amin'ny dimy amby telopolo minitra teo, hitanareo, ary izy—nofaranany ilay izy. Hitanareo? Ankehitriny, tsara izany. Ankehitriny, ary Rahalahy Neville, mazàna dia tahaka an'izany ireo hafany. Hitanareo, tsy lava ilay izy. Hitanareo? Fa ny mamono ny fivoranareo dia io rehetra izay mitaritarika karazan-javatra io alohan'ny hahatongavanareo eo amin'ilay izy. Hitanareo?

¹⁷¹ Ankehitriny, ary—ary eo amin'izay anaovanareo an'izany... Ankehitriny, fantattro, ary jereo ankehitriny, izaho—tsy milaza an'izany amin'ny tsy fanomezam-boninahitra aho, ho anareo mpitantan-draharaha, na diakona, na—na pasitera, fa miteny

aminareo fotsiny aho hoe: jereo izay Fahamarinana, ary izany no tsy maintsy misy. Ankehitriny, ianareo... Inona no atao'izany? Ankehitriny, ny olona rehetra, ianareo rehetra, tsara toetra, ny tsirairayavy aminareo lehilahy dia tsara toetra. Raha tsy izany ilay izy, dia hilaza aho hoe, "Ny rehetra afa-tsy Rahalahy Ranona-sy-ranona, izy dia tsy tsara toetra, hivavaka ho azy isika rehetra." Fa ianareo—tena manana toetra tsara ianareo, ary miharitra ianareo, mora fanahy, karazan-dehilahy malemy fanahy. Tsara izany, saingy aza sarimbavy iray amin'izany.

¹⁷² Jesosy dia tsara toetra, ihany koa, saingy rehefa tonga ny fotoana hilazana zavatra, "Voasoratra hoe, 'Ny tranon'ny Raiko dia natao ho trano fivavahana,' nefia ianareo manao azy ho zohin'ny mpangalatra." Hitanareo? Hitanareo, Izy—nahafantatra Izy hoe oviana no hitenenana ary oviana no tsy hitenenana. Izany no—izany no—izany no tokony hataontsika. Hitanareo? Tsy nisy, tsy nisy mihitsy olona iray tahaka an'i Jesosy, Andriamanitra Izy. Ary tsarovy, Izy aza... Miresaha mikasika ny maha-diakona iray ao amin'ny fiangonana, Izy—Izy no nifehy! Nandrandrana kofehy sasantsasany niarakana Izy, ary tsy niandry Izy mba handeha hamoaka azy ireo tamim-pahalemem-panahy, Nokapohiny izy ireo, hitanareo, satria tranon'Andriamanitra. Ary nanao ny anjaran'ny diakona iray Izy, ho ohatra iray ho *anareo* diakona. Hitanareo, Izy no Ohatrareo. "Ary ankehitriny, izao no—izao no voasoratra hoe, 'Ny tranon'ny Raiko dia natao ho trano fivavahana.'" Ankehitriny, tsarovy, Diakona iray Jesosy tamin'izany, fantatrareo izany, niresaka ny anjaran'ny diakona iray Jesosy.

¹⁷³ Rehefa tonga teo amin'ny anjaran'ny pasitera iray Izy, dia inona no Nolazainy? "Ianareo Fariseo jamba, mpitarika ny jamba!" Hitanareo, niresaka ny anjaran'ny pasitera iray Izy, tamin'izany.

¹⁷⁴ Ary rehefa niteny tamin'izy ireo an'izay hitranga Izy, dia nandray ny anjaran'ny mpaminany iray Izy. Hitanareo?

¹⁷⁵ Ary rehefa nitaky izy ireo fa tsy maintsy misy hetra haloa, dia nandray ny anjaran'ny mpitantan-draharaha iray Izy hoe, "Petera, mandehana mankany ka atsipazo ao anatin'ilay renirano ny fintana, ary ny trondro voalohany izay hakarinao dia manana vola madinika iray ao am-bavany. Aloavy izy ireo, hitanao, aloavy fotsiny ny trosanao." Hoy Izy, amintsika, "Omeo an'i Kaisara izay an'i Kaisara, an'Andriamanitra izay an'Andriamanitra."

¹⁷⁶ Izy dia sady Pasitera, Mpaminany, Mpitantan-draharaha, ary Diakona. Azo antoka fa izany! Koa noho izany dia hitanareo izay Nataony, ary aoka izany ho ohatrareo ato amin'ny trano ato eto amin'ity Branham Tabernacle ity, izay tiansika ho trano iray izay hanomezam-boninahitra Azy amin'ny zavatra rehetra, ny asa rehetra, ny toerana rehetra, mba tsy hisian'ny

fihemorana. Aoka hisy fahalemem-panahy, sy fahamoram-panahy, ary fahatsaram-panahy, saingy eo amin'ilay fitsipika mihitsy kosa, ny olona rehetra ao amin'ny toeran'andraikiny. Hitanareo? Izany ilay fomba, izany ilay fomba izay Itiavany azy. Tsy nitratrevatreva mihitsy Izy. Rehefa tonga ny fotoana hilazana hoe, hiantsoana hoe *inona* ny *inona*, dia Nantsoiny izany. Rehefa tonga ny fotoana hanehoana fahalemem-panahy, tamin'izay fotoana izay dia nameho fahalemem-panahy Izy. Mora fanahy Izy, tsara fanahy, mahazo; saingy masiaka, ka ny zavatra rehetra dia mahitsy hatrany amin'ny teboka miaraka Aminy, ary Nataony izany ho ohatrareo. Ankehitriny, vao avy nomen'ny Fanahy Masina ahy izany. Noho izany dia tsy nieritreritra mikasika an'izany mihitsy aho, Izy hoe Diakona, tany aloha, fa izany Izy. Hitanareo? Izy—Izy dia nihetsika tahaka ny diakona, tamin'izany.

¹⁷⁷ Ankehitriny, hilaza an'izao aho, hilaza fa raha manomboka amin'ny fito sy sasany ny fotoanareo, raha izany ilay ora, dia sokafy antsasak'adiny mialoha ny fiangonanareo, amin'ny fito. Aoka ilay mpitendry piano... Teneno ilay mpitendry orga... Manakarama azy ve ianareo? Manakarama an'ilay mpitendry orga ve ianareo rehetra? Karamaina ve izy, na ilay mpitendry piano? Manao an'ilay izy an-tsitraro ve izy? Anontanio amin'ny fahalemem-panahy izy. Raha tiany aza ny hahazo karama amin'izany, hanome zavatra azy ho an'izany, teneno izy fa mila azy isika antsasak'adiny alohan'ny fotoana. Ary raha hoy izy hoe, "Eny, tsy vitako izany," na zavatra iray, fitarainana, amin'izay fotoana izay dia asaivo tonga eto izy ka hanao horonam-peo iray avy amin'ny feon-kiran'ny orga moramora iray. Hitanareo? Ary aoka... alefaso izany eo amin'ny... Tsy mila tonga eto isan'andro izy, omamy ny horonam-peonareo. Hitanareo? Aoka ny iray amin'ireo diakona, mpitantan-draharaha, na iza no hanokatra ny varavarana, mpamoha varavarana, hametraka an'izany eo, mandefa an'ilay horonam-peo, ary aoka izany handeha raha tonga ny olona. Hitanareo? Satria raha tsy eto ireo diakona, na olona iray, dia aoka, ny mpitantan-draharaha na olona iray ho eto hanao an'ilay izy, amin'izay fotoana izay dia aoka izy ireo handeha mandritry ny antsasak'adiny.

¹⁷⁸ Fa amin'ny fito sy sasany marina tokoa, dia aoka haneno ny lakolosy ao an-tampon'ny tranobe. Hitanareo? Mbola manana an'ilay lakolosinareo ve ianareo ao? Hia. Eny àry, aoka ny lakolosinareo haneno amin'ny fito sy sasany, ary izany dia midika fa tsy handeha mandroso sy miverina eto am-piangonana isika ka handray tânana an'i Joneses sy izy rehetra. Avelao ilay mpitarika hira hiasa! Raha tsy misy mpitarika hira eo, dia avelao ireo diakona hahita fa misy...na ny...hahita fa misy olona iray eo hanomboka hitarika hira rehefa manomboka maneno ilay lakolosy. "Avadiho ny bokin'ny hira fideranareo, nomerao *izao-*

sy-izao." Hitanareo? Aoka ho marim-potoana ilay izy amin'ny—amin'ny fito sy sasany.

¹⁷⁹ Eny àry, avy eo dia manaova hiram-piangonana iray, ary avy eo angamba hiram-piangonana faharoa, ary avy eo dia makà olona iray izay efa voateninareo, raha vitanareo, mba hitarika ao amin'ny vavaka. Aoka ny—ny pasitera, na, na iza... Eny, tsy tokony ho eo ny pasitera, ny—ny mpitarika hira no tokony hanao an'izany. Izany dia Rahalahy Capps, heveriko. Hitanareo, izy no hahafantatra izay hatao, aoka—aoka izy no haka olona iray voateny...na izy tenany ihany koa no mitarika ao amin'ny vavaka. Asaivo mitsangana ny fiangonana ao amin'ny vavaka, hitanareo, mitsangàna fotosiny, ary aoka ny olona iray hitarika ao amin'ny vavaka. Ankehitriny, raha tsy mitandrina ianareo...

¹⁸⁰ Ankehitriny, mino isika fa tokony ho tonga ao antranon'Andriamanitra ny olona rehetra ka mivavaka, izany no-izany no toerana mba hivavahana. Fa rehefa ato amin'izao toeramasina izao ianareo, dia tehirizo ny fotoanareo. Hitanareo? Raha miantso azy rehetra hanodidina ny alitara ianareo, dia hahita fa hisy olona izay ho eo mandritry ny dimy ambin'ny folo, roapolo minitra; tapitra tanteraka ny fotoanareo.

¹⁸¹ Izany no anareo, hitanareo, ny fivavahanareo dia any antrano. Hoy Jesosy hoe, "Rehefa mivavaka ianareo, dia aza mitsangana tahaka ny ataon'ireo mphatsaravelatsihy, ary—ary ho an'ny lava... manao vavaka lava, ka milaza an'ity, *itsy*, na ny *hafa*, ary—ary ny rehetra tahaka an'izany ho an'ny fampisehoana iray." Hitanareo? Hoy Izy hoe, "Rehefa mivavaka ianareo... mivavaha, midira ao amin'ny efitrano kely, efitrano kely miafina, akatony ny varavarana aorianao; mivavaha amin'ny Rainao izay mahita ao amin'ny miafina, hamaly soa anao miharihary Izy." Ankehitriny, izany no fomba hanaovana vavaka miafina, izany no Nolazainy fa hatao.

¹⁸² Fa rehefa ianareo, ny olona iray, rehefa miditra izy ireo, dia aoka ny mpitarika hira, hanao hoe, "Eny àry..." Aorian'ny hira voalohany, dia aoka ny olona iray hanao vavaka amin'izay fotoana izay, na iza izany na iza, vavaka fohy iray fotosiny. Aza mitsangana ka mivavaka ho an'ireo governora rehetra, sy ny sisa tahaka an'izany. Raha misy fangataham-bavaka, dia aoka ho ampahafantarina ilay izy, aoka ampitaina izany, asaivo ampitain'izy ireo. Soraty izany, manaova hoe, "Inty." "Ho an'izao hariva izao, ao amin'ny fanaovana vavaka, dia hahatsiaro an-dRanabavy *Ranona-sy-ranona* isika, Rahalahy *Ranona-sy-ranona* any amin'ny hopitaly, *Ranona-sy-ranona*, sy *Ranona-sy-ranona*, ary *Ranona-sy-ranona*. Tsarovy ao amin'ny vavakareo izy ireo raha mivavaka ianareo. Rahalahy Jones, hitarika anay ao amin'ny vavaka ve ianao. Ndaor isika hitsangana." Hitanareo? Aoka hapetraka eo amin'ny lampihazo izany. Teneno izy ireo, aoka izy ireo ho zatra an'izany hoe, "Raha manana fangatahana iray ho an'ny vavaka ianareo,

dia apetraho *eto* izany, [Mandondòna ny polipitra Rahalahy Branham—Mpand.] *eto.*” Aza miteny hoe, “Iza no manana fangatahana iray ankehitriny, hampahafantatra an’izany ve ianao amin’ny alàlan’ny . . .” Ary avy eo, ny zavatra voalohany, dia hitsangana ny olona iray ka hanao hoe, “Voninahitra ho an’Andriamanitra!” Fantatrareo, dia hanomboka tahaka an’izany, ka ny zavatra voalohany fantatrareo, dia efa antsasak’adiny izany alohan’ny hipetrahan’izy ireo indraindray. Hitanareo?

¹⁸³ Isika no tompon’andraikitra amin’ity fiangonana ity, fa tsy ireo hafa; andraikitsika amin’Andriamanitra ity. Andraikitrareo amin’Andriamanitra ireo asa ireo. Hitanareo? Ny antony hilazako eto izao hariva izao, miteny an’izany rehetra izany aminareo, dia satria izany no andraikitro amin’Andriamanitra; izany no andraikitrareo: Tanteraho izany. Hitanareo?

¹⁸⁴ Ankehitriny, ary rehefa ny zavatra tahaka an’izany . . . aoka ny olona iray hitarika ao amin’ny vavaka, ary rehefa manao izy ireo, tsara izany, dia aoka izy ireo hitarika vavaka, avy eo dia mipetraka.

¹⁸⁵ Ary raha manana manokana iray ianareo . . . Ankehitriny, tsy hilaza an’ity aho, izaho tsy hifanaraka . . . Ary raha misy olona te-hihira manokana iray, dia lazao ao amin’ny fiangonana izany. Teneno izy ireo hoe “Ireo manokana rehetra, na zavatra izay te-ho hiraina, dia aoka izy ireo hijery ny mpitarika hira alohan’ny hanombohan’ny fiangonana mihitsy.” Ary ataovy izany . . . Manaova hoe, “Eny, miala tsiny aho rahalahy, ho tiako . . . azo antoka ho tiako ny hanao an’izany, saingy izaho—efa manana ny manokako aho izao hariva izao. Angamba raha miteny amiko ianao fa ho eto ianao amin’ny hariva anankiray, dia hataoko ao anatin’ny fandaharana izany ho anao. Hitanao, efa manana ny fandaharako aho voasoratra eto.”

¹⁸⁶ Aoka—aoka Rahalahy Capps na iza na iza izay mitarika hira . . . Ary manàna mpitarika hira iray, tsy mampaninona na iza izany. Ary aza mamela azy ireo hitsangana ka hilaza, na hanohy toy ny hoe mpitory teny iray izy ireo, hitanareo. Aoka izy ireo hitsangana eo ka hitarika hira, izany no raharahan’izy ireo.

¹⁸⁷ Raharahan’ny pasitera ny mitory teny, hitanareo, fa tsy mitarika hira. Tsy tokony hitarika hira izy, ny mpitarika hira no mitarika hira. Tompon’andraikitra izy, ary tokony ho tonga madio tsara eo ambanin’ny hosotry ny Fanahy Masina, avy ao amin’ny birao ao, any ho any, rehefa tonga ny fotoana. Tsy mila ho eto amin’ny lampihazo akory aza izy, rehefa mandeha izany. Aoka izy hijanona ao amin’ny birao ao aoriana ao, hitanareo, na eto aoriana eto, na aiza na aiza ilay izy, ireo interphones no hampiditra azy, hitanareo, rehefa tonga ny fotoana. Rehefa henony io farany io . . . raha misy manokana iray, ohatra hoe

olon-tokana iray, olon-droa, na zavatra iray, ho an'ny hiranareo fahatelo. Hitanareo?

¹⁸⁸ Fa efa nanana hiram-piangonana roa ianareo, vavaka, fanatitra raha nandray an'izany ianareo. Ary aoka ny lehilahy rehetra ho eo amin'ny toeran'andraikiny. Manaova hoe, "Eny àry, raha mbola mihira an'ity hira farany ity isika, ankehitriny, raha sitrak'ireo mpampiditra olona, dia aoka izy ireo handroso ho an'ny fanatitra hariva." Hitanareo? Ary raha mbola mamarana mihira an'io hira io izy ireo, dia indro fa mitsangana eto ireo mpampiditra olona. Manaova hoe, "Eny àry, ankehitriny isika dia hanao vavaka, ary ao amin'ny vavaka ho an'ny fanatitra, dia tiantsika ny hahatsiaro an-d*Ranona-sy-ranona* eto, ary *Ranona-sy-ranona*," vakio izany, fantatrareo, tahaka an'izany, tahaka an'izany. "Eny àry, ny tsirairay aoka hitsangana. Rahalahy, hitarika anay ao amin'ny vavaka ve ianao?" Avy eo dia mifarana ny rehetra.

¹⁸⁹ Amin'izay fotoana izay raha mbola mihira an'io hira faharoa io izy ireo, na inona na inona hirainareo, ianareo dia, raha tiana, ny handray ny fanatitrareo, raha handray ny fanatitrareo ianareo. Avelao izany... Halaiko ny hiranareo voalohany, ary avy eo dia ataovy ny fanatitrareo hariva, ary avy eo dia manohiza amin'ny hiranareo faharoa, ary avy eo dia tohizo. Avy eo dia aoka ny hiranareo farany eto, aoka ny hiranareo farany, hitanareo, ho fiantsoana ny pasitera. Ary vantany vao hiraina io hira fiderana farany io, dia aoka ny orga no hanomboka miaraka amin'ny—ny—ny fampidiranareo, mandroso ny pasiteranareo. Hitanareo, ao amin'ny lamina ny zavatra rehetra. Mangina ny olona rehetra. Tsy misy na inona na inona hafa tokony ho lazaina. Ny diakona rehetra eo amin'ny toeran'andraikiny. Mitsangana eo ny pasitera.

¹⁹⁰ Miditra izy, miarahaba ny mpanatriny, mamadika ao amin'ny Bokiny ka manao hoe, "Izao hariva izao, dia hamaky avy ao amin'ny Baiboly isika." Hitanareo, rehefa avy manao an'ilay izy ho vonona izy, "Hamaky avy ao amin'ny Baiboly isika." Ary zavatra tsara iray indraindray raha milaza ianareo hoe, "Ho fanajana ny Tenin'Andriamanitra, dia ndao isika hitsangana raha mamaky ny Teny isika." Hitanareo, avy eo dia mamaky hoe, "Izao hariva izao, dia hamaky avy ao amin'ny Bokin'ny Salamo aho," na inona na inona ilay izy. Na avelao koa ny olona hafa iray hamaky azy, ny mpitarika hira, na mpiara-miasa, olona iray izay miaraka aminareo eo, aoka izy hamaky an'izany, na inona na inona; fa ny tsara indrindra dia raha ny tenanareo no mamaky azy, raha vitanareo. Avy eo dia vakio tahaka an'izany ilay izy, avy eo dia raiso ny lahateninareo. Hitanareo? Ao amin'izany habetsaham-potoana izany, dia nandany teo amin'ny telopolo minittra teo ianareo, eo amin'ny valo eo mihitsy ilay izy amin'izay fotoana izay.

¹⁹¹ Ary manomboka amin'ny valo ka hatramin'ny sivy latsaka fahefany eo, any ho any eo anelanelan'ny telopolo sy dimy amby efapolo minitra, dia ento eo io Teny io araka ny anomezan'ny Fanahy Masina azy anareo, hitanareo, tahaka an'izany fotsiny, apetraho tsara fotsiny ao izany amin'ny fomba izay Ilazany hanaovana azy, hitanareo, eo ambanin'ny hosotra.

¹⁹² Avy eo dia ataovy ny antsonareo eny amin'ny alitara, manaova hoe, "Raha misy olona iray ato amin'ity fiangonana ity izay te-hanaiky an'i Kristy ho Mpamonjy, dia mangataka anareo izahay, manasa anareo ho eto amin'ny alitara izao ankehitriny izao, mitsangàna fotsiny." Hitanareo?

¹⁹³ Ary raha—ary raha tsy misy anankiray mitsangana, dia manaova hoe, "Misy olona iray ve eto izay kandidà ho an'ny batisa, izay efa nibebaka, ka te-hatao batisa amin'ny rano ho an'ny famelàna ny fahotana? Raha maniry ny ho avy izy ireo, dia hanome anareo ny fanararaotra izahay ankehitriny. Ho avy ve ianareo raha mbola mandeha ny orga?" Hitanareo?

¹⁹⁴ Tsy misy olona avy, lazao amin'izay fotoana izay hoe, "Misy olona iray ve eto izay haniry...izay tsy mbola nandray ny Batisan'ny Fanahy Masina mihitsy ka te-hanao an'izany izao hariva izao, hila anay hivavaka ho anareo?" Eny, angamba hanatona ny olona iray, amin'izay fotoana izay dia aoka ny roa na telo no hametra-tànana eo amin'izy ireo, hivavaka ho azy ireo. Alefaso ao amin'ny iray amin'ireo efitra aoriana ao izy ireo, olona iray ao no miaraka aminy, manoro hevitra azy ireo any ho any hoe ahoana no hahatongavana eo amin'ny batisan'ny Fanahy Masina. Lavitra azy ireo ny fiangonana rehetra.

¹⁹⁵ Raha tonga ny olona iray mba ho...te-hanaiky an'i Kristy ka mijoro eo amin'ny alitara mba hivavahana, dia ataovy ny...aoka izy ireo hivavaka. Ary rehefa mivavaka izy ireo, dia manaova fotsiny hoe, "Aondreho ny lohanareo ankehitriny, hivavaka izahay." Dia manaova hoe, "Mino ve ianareo?"

¹⁹⁶ Raha misy zavatra kely izay hanatara ny fiangonana amin'ny fomba iray mihitsy, dia alefaso avy hatrany ao amin'ny efitra fivavahana izy ireo, ary midira ao miaraka aminy, na mandefasa olona iray ao miaraka amin'izy ireo. Ary avelao ny fiangonana hanohy avy hatrany, hitanareo, tahaka an'izany, tsy mihazona azy ireo na aiza na aiza ianareo amin'izay fotoana izay. Hitanareo?

¹⁹⁷ Ary amin'izay fotoana izay raha mbola...alohan'ny...Ao amin'ny—ao amin'ny vitsy...amin'izay fotoana izay raha izy ireo, atao hoe, raha tsy misy olona tonga, amin'izay fotoana izay dia manaova hoe, "Hisy olona iray ve izay te-hosorana diloiloo izao hariva izao, ho an'ireo aretiny? Mivavaka ho an'ny marary izahay eto."

¹⁹⁸ "Eny, te-hahita anao manokana aho, Rahalahy Neville."

"Eny, jereo ao amin'ny birao aho. Jereo ny iray amin'ireo diakona, izy ireo no hikarakara an'izany, hitanao." "Ary manana zavatra tiako ho lazaina anao aho, Rahalahy."

"Eny, ny iray amin'ireo diakona eto no hijery anao ho ao amin'ny birao, ary isika dia... hijery anao avy hatrany aho aorian'ny fotoana."

¹⁹⁹ "Ankehitriny, raha hitsangana isika ankehitriny ho an'ny fampiravana." Hitanareo, ary tsy nihoatra ny adiny iray sy dimy amby efapolo minitra teo akory ianareo tao amin'ilay zavatra manontolo. Hitanareo? Hitanareo, adiny iray sy telopolo minitra, dia mifarana ny fotoanareo. Nanana an'ilay fiasa fohy, haingana ianareo; ianareo—ianareo no nanome an'izay nahavitana an'ilay izy; ianareo no nanao ny... ary afa-po ny olona rehetra, ka mandeha mody mahatsapa ho tsara. Hitanareo? Raha tsy manao ianareo, amin'izay fotoana izay, hitanareo, raha avelanareo... Hitanareo, ianareo—ianareo—ianareo dia manan-kevitra tsara, hitanareo, saingy hitanareo...

²⁰⁰ Fantatrareo, teo amin'ny telo amby telopolo taona teo aho izao no teto amin'ity lampihazo ity, telo amby telopolo taona, ary nanerana an'izao tontolo izao. Mianatra zavatra kely iray ianareo tao amin'izany habetsaham-potoana izany, azo antoka tokoa. Hitanareo? Raha tsy izany ianareo, dia tsaratsara kokoa ny mijanona. Koa noho izany, hitanareo, izao no hitako. Ankehitriny, raha mifanaraka amin'ireo Olo-masina rehetra fotsiny ianareo, ry lehilahy, dia afaka hijanona mandritry ny alina manontolo mihitsy ianareo raha tianareo. Fa ianareo dia... Hitanareo, tsy mifanaraka amin'izy ireny loatra ianareo, miezaka mahazo azy ireny eto ianareo. Ireo no hany alainareo, tsy maintsy miasa eo amin'ny sahan'izy ireo ianareo. Hitanareo? Ary aza... Ento eto izy ireo ary avy eo dia aoka ho tonga ny Teny, ary amin'izay fotoana izay, hitanareo, dia tsy misy na inona na inona afaka itarainana. Raha misy zavatra izay tian'izy ireo hahitana anareo, eny, tsara, ento avy hatrany ao amin'ny birao izy ireo tahaka an'izany, fa aza hazonina ny fiangonana.

²⁰¹ Noho izany, fantatrareo, hitsangana ny olona ka hanao hoe, "Eny, lazaiko anareo, aoka isika hanana fivoriana tsara iray ho an'ny fijoroana vavolombelona." Hitanareo? Tsy manana tanjona tsikera aho eo amin'izany, ny tanjoko fotsiny dia ny hiteny ny Fahamarinana aminareo. Ny tanjoko dia ny hiteny ny Fahamarinana aminareo. Hitanareo? Efa nahita fivoriana ho an'ny fijoroana vavolombelona aho izay betsaka...izy ireo—ratsy no betsaka ataon'izy ireo indraindray nohon'ny tsara. Hitanareo, tena manao tokoa izy ireo.

²⁰² Ankehitriny, raha nanana fijoroana vavolombelona mangotraka ny olona anankiray ao amin'ny fotoan'ny fifohazana iray, fantatrareo, manana fifohazana iray mandeha ianareo, fantatrareo, fivoriana iray, ka voavonjy ny olona anankiray

ary te-hilaza teny iray fotsiny, eny, isaorana Andriamanitra, avelao izy handoatra ny fanahiny. Hitanareo? Raha izy—raha tiany ny—raha tiany ny hanao an'izany, hitanareo, ao amin'ny fotoam-pifohazana fotsiny, manao hoe, “Te-hilaza fotsiny aho hoe, ‘Isaorana ny Tompo tamin’izay Nataony ho ahy.’ Namonjy ahy Izy tamin’ny herinandro lasa, ary mirehitra amin’ny voninahitr’Andriamanitra ny foko. Ho an’Andriamanitra ny saotra,” dia mipetraka. Amena! Tsara izany, manohiza. Hitanareo, mety tsara daholo izany.

²⁰³ Fa rehefa hoy ianareo hoe, “Ankehitriny avia. Iza no manaraka? Iza no manaraka? Ankehitriny ndao isika hihaino teny iray, ndao isika hihaino teny iray an’ny fijoroana vavolombelona.” Ankehitriny, raha manana favoriana iray efa voalamina ianareo, hariva iray ho an’izany, hitanareo, izay handehananareo: “Izao hariva izao... amin’ny Alarobia heriny hariva, raha tokony ho favoriam-bavaka, dia ho favorian’ny fijoroana vavolombelona izany. Tianay ny olona rehetra ho tonga, ary ho favorian’ny fijoroana vavolombelona izany.” Ary amin’izay fotoana izay rehefa tonga izy ireo eo—eo amin’ny toerana hanomezana fijoroana vavolombelona, dia vakio ny Teny, manaova vavaka, ary avy eo dia manaova hoe, “Ankehitriny, efa nolazainay fa harivan’ny fijoroana vavolombelona ity.” Noho izany dia avelao ny olona hijoro vavolombelona mandritr’io ora io na dimy amby efapolo minitra, na telopolo minitra, na inona na inona ilay izy, ary avy eo—avy eo dia mandrosoa tahaka an’izany. Hitanareo ve izay tiako ho lazaina? Ary heveriko fa hanampy ny fiangonanareo izany, hanampy ny zavatra rehetra, ny rehetra, raha tahaka an’izany no anaovanareo azy.

²⁰⁴ Ankehitriny, izao dia... Tara aho, noho izany... Rahalahy—rahalahy, ireo no tsara indrindra amin’ny fahalalako. Hitako izay eo amin’ny fonareo, izao no tsara indrindra amin’ny fahalalako an’ireo fanontaniana izay napetrakareo. Ankehitriny, manomboka izao dia mahafantatra ianareo. Ary raha toa ka ao an-tsainareo izany, dia mankanesa eo amin’ny horonam-peo. Anontonio izany... Henoy ny horonam-peo. Raha ho an’ny diakona izany, mpitantan-draharaha, na inona na inona ilay izy, dia aoka halefa ny horonam-peo. Aoka halefa eto amin’ny fiangonana izany raha tian’izy ireo ny hihaino azy. Eny àry. Ary izay no—izay no tsara indrindra amin’ny fahalalako ny amin’ny sitrapon’Andriamanitra ho an’ity tabernakla ity eto amin’ny Eighth sy Penn Street, ary izany no fomba anirahako anareo rahalahy mba hanatantekala an’ity eo ambanin’ny fitarihan’ny Fanahy Masina, miaraka amin’ny hatsaram-panahy rehetra sy fitiavana, maneho ny fahalemem-panahinareo eo anatrehan’ny olona fa Kristiana ianareo. Ary ny Kristiana dia tsy midika hoe zazakely iray izay azo atosika manodidina na aiza na aiza, izany dia midika hoe “lehilahy iray izay feno fitiavana,

saingy kosa, feno fitiavana an'Andriamanitra mihitsy tahaka azy ho an'ny fiangonana." Hitanareo ve izay tiako lazaina?

²⁰⁵ Misy fanontaniana iray ye? Efa saiky tapitra ilay horonam-peo eto, ary manana olona iray aho miandry ahy any. Amin'ny firy izy no natao ho tonga any? [Mamaly i Billy Paul hoe, "Izao ankehitriny izao."—Mpand.] Izao ankehitriny izao. Ho avy irery ve izy? [Mamaly i Billy Paul hoe, "Izaho no handeha haka azy."] Eny àry. Eny àry, tompoko.

²⁰⁶ Ankehitriny, fantattro fa hivoaka isika ankehitriny raha tsy misy—tsy misy teny iray fanampiny. Hah? Ankehitriny, raha tsy misy, dia ndao isika hirava. Hia. Eny, Rahalahy Collins? [Hoy Rahalahy Collins hoe, "Mety ho tsaratsara kokoa raha hajanona ireo horonam-peo."—Mpand.] Eny àry. [Elanelana tsy voaraki—peo.]

²⁰⁷ Eny, rahalahy, nankasitraka aho ny tonga teto niaraka taminareo izao hariva izao, ary Rahalahy Neville, sy taminareo diakona, sy mpitantan-draharaha, ary ny mpanara-mason'ny sekoly Alahady, ianareo rehetra. Matoky isika fa hanampy anareo ny Tompo ankehitriny hanatanteraka an'ireo lamina ireo ho an'ny Fanjakan'Andriamanitra. Ny antony nilazako an'izao dia satria neveriko fa efa nitombo ianareo avy amin'ny ankizy nankany amin'ny lehibe. Raha mbola ankizy iray ianareo, dia niresaka tahaka ny ankizy, ary nahazo tahaka ny ankizy. Fa lehilahy iray ianareo ankehitriny, noho izany dia ndao isika hihetsika tahaka ny lehibe ao amin'ny tranon'Andriamanitra, mitondra tsara ny tenantsika, ary manaja ny asantsika, sy manaja ny asa rehetra. Ny fanomezam-pahasoavana rehetra izay nomen'ny Tompo antsika, dia ndao ataontsika ao amin'ny lamina izany, ka hanaja an'Andriamanitra miaraka amin'ireo fanomezam-pahasoavantsika sy ireo asantsika.

Ndao isika hivavaka.

²⁰⁸ Ray any An-danitra, misaotra Anao izahay izao hariva izao ho an'ity fiarahana miangon'ny lehilahy ity izay napetraka tao amin'ireo asa eto mba hanatanteraka ny asan'ny Tompo izay efa notanterahina teto Jeffersonville ato amin'ity fiangonana ity. Andriamanitra, enga anie ho eo amin'izy ireo ny Tànanao, enga anie Ianao hanampy azy ireo sy hitahy azy ireo. Enga anie ny fiangonana sy ny olona hahazo sy hahafantatra fa izao dia mba ho fampandrosoana ny Fanjakan'Andriamanitra, mba hahatonga anay ho lasa lehilahin'ny fahazoana sy hahafantatra ny Fanahin'Andriamanitra, ka hahafantatra izay hatao. Ekeo izany, Ray. Ampiravao izahay ankehitriny miaraka amin'ireo Fitahianao, ka enga anie ny Fanahy Masina hiambina anay sy hitari-dàlana anay, ary hiaro anay, ary enga anie izahay mba ho hita mahatoky eo amin'ny toeran'andraikitra. Amin'ny Anaran'i Jesosy Kristy, no ivavahako. Amena.



Ny Lamin'ny Fiangonana MAG63-1226
(Church Order)

ANDIAN'NY FITONDRAANA, LAMINA ARY FOTO-PAMPIANARAN'NY FIANGONANA

Ity Hafatr'i Rahalahy William Marrion Branham ity, izay notoriana tamin'ny Teny Anglisy hatrany am-piandohany ny Alakamisy hariva, 26 Desambra 1963, ho an'ny fivorian'ny komity ofisialin'ny Branham Tabernacle tao amin'ny Branham Tabernacle ao Jeffersonville, Indiana, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2017 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org